



Il Strolc Furlan

Pal 1950










Expédition en abonnement postal, IV gr.



Suplement a «Sot la nape» 1949

# VIBRAM

## UDINE

Via Vittorio Veneto, N. 6B



SPECIALIZZATO  
IN CALZATURE  
S P O R T I V E

Scarpe originali "VIBRAM,"

**S U O L E   G O M M A**  
**C A R R O   A R M A T O**



**SCI - ALPINISMO - ARTICOLI SPORTIVI**



*Furlans,*

*a Vignesie us spiete la*

# *Trattorie de Colombe*

*di Arturo Deana*

*paròn furlan*



# **DITTA FRATELLI PETRIN**

---

**CEREALI - LEGUMI**

**SEMENTI - ORTAGGI**

**BECCHIME PER UCCELLI**

---

**UDINE** Via Bonaldo Stringher, 13b - Tel. 60-96  
FILIALE: Via Volturno, 3 - Tel. 29-47

*Ricordate!*

# **Trattoria Boschetti**

**TRICESIMO**

**TELEFONO N. 14**

---

*Specialità cucina e vini friulani*

# FIAT AUTOMOBILI

Commissionaria:

*Ditta Luigi Tamburlini*  
U D I N E

**Direzione e Magazzino Ricambi**

Piazzale XXVI Luglio 4-5 - Tel. N. 22-96

**Officina Autorizzata**

Viale Venezia (Via Podgora) - Tel. 24-75

---

**VENDITE RATEALI A MEZZO S. A. V. A.**

# FRATELLI ROMANELLI

Società in accomandita semplice per  
l'industria e il commercio dei legnami

## LEGNAMI E COMPENSATI

Deposito Udine - Produzioni Carinzia e Alto Friuli

*Sede in UDINE*

# La Banca Cooperativa Udinese

in base alla Legge speciale sull'ordinamento delle  
Banche Popolari, ha assunto la denominazione di

## BANCA POPOLARE COOPERATIVA UDINESE

Società Cooperativa a responsabilità limitata  
fondata nel 1885

Sede in UDINE - Via Cavour, 24

*Filiali:* PALMANOVA e S. VITO al TAGLIAMENTO

*Agenzie:* GONARS, POZZUOLO del FRIULI - SESTO al REGHENA

Consorziate con le Banche Popolari di CIVIDALE, CODROIPO, GEMONA, LATISANA, PORDENONE e TARCENTO.

# G. B. e F. ROMANUT

FABBRICA  
MACCHINE  
CAFFÈ  
ESPRESSO



*U D I N E*

*Via Cottonificio, 13 - Tel. 6125*



# BANCA CARNICA

*Società per azioni - Sede in TOLMEZZO - Fondata nel 1890*  
*Capitale L. 2.000.000.- interamente versato - Riserve L. 2.000.000.-*

Recapito: PAULARO

Esattoria: AMPEZZO

” *La Carnica,*”

SOCIETÀ PER AZIONI DI ASSICURAZIONI

Sede Centrale: TOLMEZZO

*Agenzia in Udine*

VIA MANIN, N. 18

## Consorzio Agrario Provinciale

Direz. e Amm.: Via Grazzano, 1 - UDINE - Tel. 2041

Magazzino e Frigorifero: Via Sabbadini - UDINE - Tel. 2875 e 3803

**Mercl, Sementi, Macchine e carburanti per l'Agricoltura**

*Per prenotazioni ed acquisti*

**rivolgersi alle Filiali e Agenzie locali**

ING. A. MAGINI

UDINE

Via Vittorio Veneto, 44 - Tel. 2683

MACCHINE ELETTRICHE TERMICHE IDRAULICHE

COMUNE DI PALUZZA

(abitanti 4210)

***Fiere e mercati***

***annuali***

Il quart lunis di marz, setembar e novembar

Il quart martars di mai e di otubar

San Jacum 25 di lui

Sant' Ane 26 di lui

Sagre di San Roc la prime domenie dopo il 16 di avost

Sagre di Place la prime domenie di setembar

FRANCESCO MARZANO

U D I N E

VIA MARSALA, 24

(Fuori P. Cussignacco)

Telefono N. 6440

**V I N I**

*Vècie Dite stimade, one-  
ste, serie e rinomade.*

## **FRANCESCO ORTER - UDINE**

*Via A. Caccia, 2 - Tel. 6075*

*Filiali: UDINE - Via Palladio, 13 - Tel. 2967 - CIVIDALE, Piazza Duomo, 4 - Tel. 47 - CORMONS, Piazza Matteotti - BUIA, Piazza Mercato.*

*BATTIFERRO - Via Torino, 44 - Udine.*

*Ferri nazionali ed esteri - Acciai - Piombo - Stagno e bande stagnate - Rame - Ottone - Zinco - Ferramenta ed ottonami lavorati. Chioderie - Broccami - Falci ecc. - Tubi neri e zincati.*

## **ANTICA INDUSTRIA DEL RAME TREMONTI**

*Casa fondata nell'anno 1853*

**Costruzione propria di CABBAGIE e FORNEBBI  
per BATTERIE**

**Biscivale - Secchi - Paioli di rame - Cucine  
Stufe di qualsiasi tipo e grandezza.**

*Personale specializzato per lavori di fumisteria.  
Preventivi e sopralluoghi a richiesta.*

*Via Poscolle, 8 a - UDINE - Telefono 6268*

## **ASSICURAZIONI GENERALI**

*Compagnia fondata nel 1831*

SEDE LEGALE IN ROMA

*Vita - Trasporti - Incendi - Furti  
Infortuni - Resp. Civile - Grandine*

*Rappresentanze e commissari d'avaria in tutto il mondo.*



# CASSA DI RISPARMIO DI UDINE

Fondata nell'anno 1876

*Premiata dal Ministero con medaglia d'oro. - Partecipante dell' Istituto Federale delle Casse di Risparmio delle Venezia. - Sede Compartimentale dell' Istituto di Credito Fondiario delle Venezia. - Federata con le Casse di Risparmio di Venezia.*

## Sede Centrale e Direzione Generale in Udine

Via del Monte, 1 - Centralino Tel. 26-41

### AGENZIE DI CITTÀ:

N. 1 - Via Gemona, 100 (Piazzale Osoppo) Tel. 36-81  
N. 2 - Via Volturmo, 3 (Mercato all'ingrosso) Tel. 29-10

Patrimonio	L. 54 milioni
Beneficenza erogata	L. 44 milioni
Depositi fiduciari	L. 5.000 milioni

### F I L I A L I:

Cervignano - Cividale - Codroipo - Latisana - Maniago -  
Palmanova - Pordenone - Sacile - S. Daniele del Friuli -  
S. Vito al Tagliamento - Tolmezzo

### RECAPITI:

Brugnera - Cisterna

## Ricevitoria e Cassa Provinciale di Udine

### ESATTORIE:

Udine - Cervignano - Cividale - Latisana - Maniago -  
Mortegliano - Sacile - Tolmezzo

### MONTI DI CREDITO SU PEGNO:

Udine - Cividale - Pordenone - S. Daniele del Friuli

### Tutti i Servizi di Banca

*Credito Agrario di Esercizio e Miglioramento - Mutui*

### Servizio Cassette di Sicurezza


(Presso l'Esattoria di Udine - Via Zanon, 25) - Cervignano - Latisana - Pordenone - S. Daniele - Tolmezzo



# S.A. Forniture Tecniche Industriali

UDINE

VIA MANIN, 15a - Telefono 62-34



Articoli tecnici - Cinghie piane e trapezoidali - Trasmissioni, puleggie - Apparecchi di sollevamento - Guarnizioni in

lastra e a corda - Tubi di gomma e vetro - Macchine per metalli e per il legno - Utensilerie per tutte le macchine - Apparecchi per saldatura autogena ed accessori.

**PER TUTTE LE INDUSTRIE**

**I migliori prodotti ai migliori prezzi.**

*Interpellateci prima di fare acquisti.*

ARTICOLI FOTOGRAFICI

**PIGNAT**

U D I N E

Via Manin, N. 1c - Telefono N. 27-29  
Via Rauscedo, N. 3

Apparecchi e materiale sensibile delle migliori marche. - La più vasta raccolta fotografica di paesaggi, costumi e opere d'arte del Friuli

**S. p. A. Ing. F. RIBI & C. - GORIZIA**

**AUTOTRASPORTI MERCI** - Via Duca D'Aosta, 14 - Tel. 619

*AGENZIE E RECAPITI:*

TRIESTE - Via Valdirivo, 10 - Telefono 50 03  
UDINE - Viale Palmanova, 18 - Telefono 22 07  
CERVIGNANO - Via Dante, N. 3 - Telefono 1-23  
GRADO - Stazione Autocorriere - Telefono 67  
MONFALCONE - Via Don Giovanni Bosco, N. 39  
GRADISCA - Via Dante, N. 2  
CORMONS - Viale Stazione, 22  
PALMANOVA - Via Da Mula, 14  
CIVIDALE - AQUILEIA - PIERIS - CAPRIVA - RONCHI

*RAPPRESENTANZE:*

MILANO	- p. Q. Ramella e F.	- Via Perugino, 9	- Tel. 573-646
TORINO	- »	- » Juvara, 16	- » 45-813
BIELLA	- »	- » Tripoli, 4	- » 24-55
PARMA	- Adelmo Cavalieri	- Via Trento, 49	- » 44-23
VICENZA	- Trevisan e Girardini	- Via P. Giusti, 15	- » 34-07
BOLOGNA	- »	- » Pietramell., 9	- » 35-113
TREVISO	- »	- » Tolpada, 10	- » 20-97
PADOVA	- »	- » Dalmazia, 18	- » 20-738

*SERVIZI CELERI:*

**MILANO - GORIZIA - TRIESTE - UDINE**

**Autoservizi di linea - Noleggio Autobus**

Per i vostri acquisti ricordate le Profumerie

**UDINE** Via Vittorio Veneto, 26 - Tel. 3157  
Via Paolo Canciani, 16

**GABASSI**



# MOBILI D'ARTE

## ***TOROSSI***

**UDINE** - Via Baldissera, 13

Telefono N. 6131

### **CIVIDALE**

Ferrovia - Autoservizi di linea - Posta - Telegrafo - Telefono - Istituti bancari - Rifornimento carburanti - Pese pubbliche.

*Fiera animali e merci varie con parco divertimenti: 11 e 12 novembre - detta di "S. Martino",.*

*Mercato di animali e merci varie, frutta e verdura: tutti i sabato.*

*Mercato di merci, frutta e verdura: tutti i martedì e giovedì.*

*Mostra dei vini tipici friulani ed altre manifestazioni: mese di maggio in giorni da destinarsi.*

Se i mercati del sabato cadono in giorno festivo, vengono tenuti il giovedì precedente.

**GIUSEPPE CUMAR**  
**CARTO - LIBRERIA**

**GORIZIA**  
VIA ARCIVESCOVADO 5  
TELEFONO 465

Soc. An. Commerciale

**LUIGI SPEZZOTTI**  
TESSITURA DI COTONE

Uffici - Depositi: Via Prefettura, 15 - Tel. 21-37  
Stabilim.: C. Paparotti - Cussignacco - Tel. 24-13

**UDINE**

# *Speriariie di Toni Colute*

UDIN - In Plazze Garibaldi

## Amâr di Udin

Une poesiute di Meni Muse

Cjâr Sior Toni,

*L'è tant timp che jo 'o zavâri  
di no vê un gotin di Amâr,  
ma vignî mai no podevi  
indenant, senze l'« afâr »!*

*E l'« afâr » cumò j al mandi:  
ca daûr 'o lu ài mitût;  
se no j plâs, mi racomandi  
che lu tegni ben scuindût.*

*L'è il sunet scrit pal lunari,  
se nol rive masse tart.  
No j va ben? Che nol zavâri:  
su pal fûc benon al art!*

*Ma par chel che nol tralassi  
la butilie d'implenâ:  
cul Amâr 'o torni a nassi,  
'o mi sint a ricreâ!*

(1907)

L'amî MENI MUSE

L'esperienza di 25 anni ha dimostrato che la coltura del TABACCO riesce egregiamente nelle più svariate condizioni del terreno del Friuli.

Mercé la coltura del tabacco migliaia di maestranze trovano occupazione per parecchi mesi dell'anno; si conciliano così gli interessi della classe produttrice con quella lavoratrice.

## **Agricoltori Friulani coltivate TABACCO!**

---

Coloro che si impegnano di coltivare TABACCO nella prossima campagna, avranno assicurata la concessione anche per l'avvenire, quando i prezzi di altri prodotti agricoli potrebbero subire ribassi per la concorrenza dell'estero.

Per informazioni e prenotazioni rivolgersi subito alla *Associazione Tabacchicoltori del Friuli - Udine* (Via Aquileia, n. 4) - Telefono 64-98 o alle sedi degli Stabilimenti Tabacco di *Fagagna, Gris di Bicinicco, Codroipo, Sacile e San Vito al Tagliamento*.

L'Associazione fornisce ai coltivatori, a mezzo del proprio personale, assistenza tecnica dalla formazione dei semenzai alla raccolta e cura del prodotto.



**GRANDI MAGAZZINI CARLO MOCENIGO**  
UDINE - Via Mercatovecchio, 29 - Tel. 6060 - Casa fond. nel 1854

**PREMIATO BERRETTIFICIO**

*Cappelli - Berretti - Calzature - Articoli - militari - Varie novità - Articoli sportivi - Specialità Sci e Tennis - Specialità berretti per ufficiali.*

**MATTIONI**

*....l'ottimo caffè*

**GORIZIA**

**UDINE**

**ISTITUTO COMUNALE E PROVINCIALE**  
**di "TOPPO WASSERMANN", COLLEGIO MASCHILE**

**Fondato nel 1900**

*Primario Istituto di Educazione con Scuole interne: Elementari, Scuola Media parificata. I convittori iscritti al Liceo Classico, Liceo Scientifico, Istituto Tecnico per Geometri e Ragionieri, Istituto Magistrale, frequentano gli Istituti Governativi della Città.*

**PER INFORMAZIONI RIVOLGERSI ALLA DIREZIONE**  
**VIA GEMONA N. 92 - TELEFONO N. 6082**

**AI PROVINCIALI**

**(1) E simpri furian**

**DA AGNULIN  
SI CJATE SIMPRI  
UN BON TAI DI VIN (1)**

# **Libreria S.E.M.C.I.**

## **UDINE**

**(Società Editoriale Messaggerie Cattoliche Italiane)**

Piazza Matteotti, 11 (Sottoportico "Vitrum,,")

Telefono 62-84

**ASSORTIMENTO LIBRI DI OGNI GENERE**

**— Testi per tutti gli ordini delle Scuole —**

**Rappresentante de «LA SCUOLA» Editrice di Brescia.**

## **FABBRICA BILANCE FRATELLI SCHIAVI**

Fondata nel 1859

**UDINE - Via C. Battisti, 1 B-C - Tel. 65-03**

Pese a ponte stradali - Bilance e Bilici automatici - Affettatrici - Tritacarne - Insaccatrici - Tritaghiaccio - Macinacaffè dosatori e normali - Apparecchi vari per negozi e bar.

## **Fonderia Ghisa Malleabile e Acciaio**

**PLINIO CORBELLINI**

Via del Bon - **UDINE** - Telef. 28-07

**FUSIONI GHISA MALLEABILE - ACCIAI E GHISE INOSSIDABILI**

**ACCIAI AL MANGANESE - ACCIAI RAPIDI**

Fusioni Ghisa Acciaiosa - Fusioni Ghisa extra dolce

Fusione Ghisa Refrattaria - Fusioni Ghisa in Conchiglia

**Carrucole Acciaio per Teleferiche - Fusioni Acciaio per macchine agricole**



**BIRRA DORMISCH**

UDINE



# 1950

1950	pai Cristians
5710-11	pai Ebreos
1368-69	pai Mussulmans

## FIESTIS VARIABILIS

5 di fevrâr	Setuagjesime
22 di fevrâr	Prin di Coresime
9 di avrîl	Pasche Maiôr
18 di mai	La Sense
28 di mai	Pasche di Rosis
8 di jugn	Corpusdòmini
3 di dicembar	Prime Dom. di Avent

## FIESTIS DI PRECET

*Dutis lis Doméniis*; il *Prin dal an*; la *Pifanie* (6 di zenâr); *S. Josef* (19 di marz); la *Sense* (18 di mai); il *Corpusdòmini* (8 di jugn); la *fieste di S. Pieri* (29 di jugn); *Madone di avost* (15 dal mès); i *Sanz* (1<sup>o</sup> di novembar); *Madone de Concezion* (8 di dezembar); *Nadâl* (25 di dezembar).

## FIESTIS NAZIONALS

*Fieste de Liberazion* (25 di avrîl); *fieste internazionâl dal Lavôr* (1<sup>o</sup> di mai); *fieste de vitorie* (8 di mai); *proclamazion de Republiche* (2 di jugn); *fieste de Pâs* (4 di novembar).

## SOLENITAZ CIVILS

*Cja' dal an de Conciliazion* (11 di fevrâr); *nassite di G. Marconi* (25 di avrîl); *scuviarte da l'Americhe*; (12 di utùbar).



*Imbonît di nêf e glazze  
a brazzèt dal an novèl,  
Carnevâl al fâs la danze  
cu' la plume sul ciapiel.*

*E se pur la vite 'a s'ciampe  
dî par dî des nêstris mans,  
nus convèn no pensai sore  
e dismenteà i malans.*

# I

- ✠ 1 D. **Prin dal An - Circoncision dal Signôr**  
 2 L. SS. Non di Jesù  
 3 M. S. Genovefe verg. *Lune plene*  
 4 M. S. Aquilin e comp. mm.  
 5 J. S. Telesforo pape  
 ✠ 6 V. **Pefanie dal Signôr**  
 7 S. S. Lucian predi  
 8 D. **Sacre Famee**  
 9 L. S. Marcellin m.  
 10 M. S. Marcian predi  
 11 M. S. Gino pape *Ultim quart*  
 12 J. Sante Taziane v.  
 13 V. S. Veroniche v.  
 14 S. B. Duri di pordenon mission. furlan  
 ✠ 15 D. **S. Pauli Rimit**  
 16 L. S. Marcel pape  
 17 M. S. Antoni abât  
 18 M. Catedre di S. Pieri a Rome  
 19 J. S. Paulin patr. di Aquilee *Lune gnove di zenar*  
 20 V. SS. Fabian e Sebastian mm.  
 21 S. Sante Gnese verg. e m.  
 ✠ 22 D. **SS. Vizenz e Anastasi mm.**  
 23 L. Sposalizi de Madone  
 24 M. S. Timoteo vesc.  
 25 M. Conversion di S. Pauli  
 26 J. Sante Paule vedue *Prin quart*  
 27 V. S. Zuan Grisostomo  
 28 S. S. Flavian m.  
 ✠ 29 D. **S. Francesc di Sales vesc.**  
 30 L. Sante Martine v. m.  
 31 M. S. Zuan Bosco predi



## Lis ocis

Un s'ciafoiàz di no podê tirâ el flat; un zîl senze une glain di nûl; dut brusât tai ciamps.

Une puere fiminute cun t'une creaturine poiade sul pét a sì strissine vie par chel desert; cui voi a zîr jé di cà e di là un pôc di numbrinûl.

Ve' lajù, lajù insomp, a jè une boschete. Sù. sù, sù, ancemò un pôs di pas, puere fiminute! el bambin che tu às tal braz, al tås cumò, al jà finût di vai, chel ninin!

A rive ance je (a jere ore che rivas!) sot di chei àrbui.

— Oh, Signôr benedét: cumò a pudin polsâ almanco un frighinin! — a jé la Madone cul Bambin che ûl s'ciam-pâ a lis sgrinfis di ches besteatîs che son i soldâz di Ero-de che i dâa daûr par copâi el frutùt.

El Bambin cumò al jà siarât i vuglùz, al si à indur-midît lui, chel benedét, sul grin da Mari. Si bone cumò a je el cûr a pôc a pôc.

Zenonè, dut in t'un, come di lontàn, a si sint un rumitûr malandrét: a son ciavai che trapetin come 'l seòn, a son trombetis che sbusinin.

— O Diu, Signôr! A son a cà dal sigùr i soldâz! Son cà i soldâz — e si ciol sù je, la Madone, e plate cul foz-zolét el so Bambin e vie imburide traviars da boschete e cor e cor; ma in chel a la puere Madone a son par colâ i braz, a jè lì e lì par dâ un sclop par tiare: in chel al si dismôf lui, el Bambin.

— Ah, zimût podarai jo passâ di là? — a zem je.

Sì po, a jè rivade propit denant di un flun. Cui varéssie mo pensât di cialâ di là da boschete un flun cussi larc e cun che aghe fonde, in chè stagion.

— A son par saltâni adués, chei birbanz! — e intant a ciale fis fis, je, tai voi el so Bambinût che cumò al môf lis mans e i pidùz e i riduzze come se 'l fos ta so scunute.

— Oh, Signôr, Signôr benedét, judaimit vô! — e je zire i voi sù in alt tal zîl.

Ze isel mo chel svoletâ lì parsore dal so cîaf? Silafé, al è un s'ciap di ocis, chei ucelâz che fasin vigni i sgrisui cun chei sgrifis tai pîz, grandis grandis e cun chel bec che 'l sclape i clàs, tant fuart che 'l è. A sa je ance, la Madone, che co lis ocis a svolin traviars da l'ajar, al è pôc lontan un burlâz firbint.

— Oh, Signôr, Signôr, judaimit, judaimit vô — a zem la Madone; ma el Bambin al riduzze e al môf i pidùz e lis manutis.

Intant che no lu disi, el ocàt che 'l è el prin da file, al fâs un zir li parsore, al sberle un *cuac cuac*, como un ordin a lis ocis e po di lunc al si mole jù par tiare propit li denant dai pîz da Madone. Lis ocis ance ches a fermin di sbati lis alis e *cuac cuac, cuac cuac cuac, cuac cuac* (a fasin un davoì che 'l sturnis) si metin li intôr da Madone: une cor di cà, une cor di là e: *Cuac cuac cuac*, al torne a sberlà el ocàt, e indalore 'a nas une robe di no crodi! Lis ocis si butin, une daûr di che altre, ta l'aghe dal flum e par no ineâsi 'a movin i pîs e lis alis e po si metin une donge di che\* altre, une daûr di che altre tignints, cul bec pa code di chè che jè devant.

*Cuac cuac cuac*, al vose 'l ocàt, dut dafarât: ûl fâi capî, a la Madone, di mòvisi, di pesseâ e po cul bec i ciape el blec da còtule e po al si met a tirâ, a tirâ e la Madone a capîs. El Bambin al riduzze e al môf lis mans e i pidùz. El ocàt po al fâs lâ la Madone su lis schenis da ocis. A pâr propi di viodi une bieie barciute che si drindule li tal miez da aghe dal flum.

*Cuac cuac cuac*, al torne a vosâ el ocàt, e 'lore lis ocis 'i dan drenti come matis cu lis giambis e cui pîz, a fasin fuarze cul cuel e cu lis alis e cu la code, e svuatarànt senze padîn 'a si movin cu la Madone e cul Bambin. Li parsore, traviars dal flun, e vie e vie indenant, e svuatare e svuatare 'e son po par rivâ e ti son ancie rivadis di là da l'aghe e po vie come saetis su pa gravis, e la Madone a si ciâte a sei biel sul sut su di une mun-tisele, a rapâr di un morâr di fuêe e tal miez di une sdrumierie di ocis che cumò a son come matis di gust e a sberlin e a ziulin come imborazzadis.

Ma intant di che altre bande dal flum, tal miez da boschete, a si sint zà a blestemâ i soldâz di Erode che sbordonin cu lis lanzis tal miez dai sterps par ciatâ la Madone.

— Oh! Signôr, Signôr, se cumò i soldâz si 'nacuarzin che sin rivâz di cà, dal sigùr cui ciavai a passin el flun e mi ciapin e el Bambin...

Ma no ja nance finît di dî, no, la Madone, che tal zil al si plate 'l soreli; nûi neris neris a passin bas bas squasin a tociâ la tiare: si met a tonâ, a saetâ: lamps e tons di cà e lamps e tons di là e po jù la ploe a selis, gotis grandis e gruësis tan che còculis. El flum al sbrun-

dule simpri plui a fuart e jù la montane a càpite jù a tombolòns e s'ciavezzant i àrbui e disdrumant i clàs e 'e ju savolte, po. su la grave dal flun da bande de boschete. e simpri plui ingrintade a fuarze di fuarze. a si bute propri tal miez da boschete e lì ti fàs un mazzili di ciavai e di soldàz, che no ti disi!

'L è passât chel montafin; dos tre sclipignadis ancemò e traviars dai nùl al torne a cucà fûr el soreli. La Madone cul Signôr sul grin a jè sane e 'salve e 'tor di je lis ocis a spachin lis alis par suâsi.

Indalore mo la Madone a si met a cialâ fis el Signôr come par domandâgi alc, e chist cu lis mans e riduzzant i fàs capî di sì e la Madone i dîs, a lis ocis:

-- Uciutis benedetis, us disi grazis tant e tant di cûr; vualtris a vês salvât el Signôr! El Signôr us binidîs! Oh, no sarès no plui i uzzei, faz apueste par fâ paure ai fruz e a lis fêminis par vie da sgrinfis e dal bec che vês, e finance la int no us mala-dissarà plui, co us viodarà a capitâ a s'ciaps, pensant che sta par molâsi jù dai nùl la sionere. Invezi sarès simpri parmis da ciasis, mugnestris e buinis; larès a svuatarâ tai rujùz da tavielis, e la vuestre plume blanche come 'l lat no si bagnarà mai, e sarà fate apueste par tignî cialdùz i bambîns ta scune; lis frutis dopo scuele us menaràn a passòn là che la arbe a sarà plui musulite e a la massàrie a si slargiarà el cûr a viòdius vignî sù cussì bielîs e grassis.

E cussì jè stade e cussì a jè ancemò cumò.

DOLFO ZORZUT

## G l a z

*L'unvièr 'l è invelegnât,  
al passe sivilant fra i cops des ciasis:  
i mons lontans e scûrs  
come ombris spaventosis  
tì inglazin dut il sanc...  
Si inglaze il lat des plantis  
e gemin lis vermenis dai venciârs:  
e l'ânime si tache a la gran flame  
che s'cialde il fogolâr:  
il gnò pinsîr si piert  
cu lis falis'cis 't al cialin de nape.*

PIERI SOMEDA DE MARCO



## Soi furlàn

*Co mi alzi a la matina  
ciali atòr tra il mont e il plan;  
e una vòs tal cûr mi sberla:  
Sta contènt: tu ses furlàn!*

*Il to nono e la to nona  
ancia lor jàn fevelàt  
da la scuna fin ta fuessa  
il furlàn che àn tant amàt.*

*No tradì mai la to lenga  
se in chist mont ben uelis stà:  
tradiressis la to mari,  
la to patria... e chist no va.*

*Ma ricuarditi pur simpri  
di vizìn e di lontàn  
che la lenga la plui biela  
jà di sei par tè il furlàn!*

*Chista vòs a mè tant ciara  
no mi lassa gnot ne dì:  
Soi furlàn, alora sberli,  
uei restà simpri cussì!*

DOLFO CARRARA

## Il païs lusint

*Co ti pensi tal cûr 'o ai cent cjandelis  
legris, di Nadâl a miezegnot!  
Se tu mi cjalis tai miei vôi lusinz  
tu viodaràs tun vert d'arbe e di lens  
il biel païs par nô se si olin ben.  
Frutîne, rosûte, matine di Avril,  
cjale chel cîl dal gnò païs!  
La strade 'e zire a mat pa lis cuellinis,  
'o sint inmò chel cjalt des tos maninis,  
'o m'insumîi...  
Si sfante il biel païs,  
fat tune gnot di siums, di stelis,  
tun penz cjantâ di gris.  
Par mè un sium vuè: doman a fuart  
cjampanis che batin! Miârs di cjampanis  
che sùnin di muart.*

DENÊL



*Carnevâl in sepulture  
'o met jù cùn duc' i onòrs;  
c'al è timp di fà judizi  
jo ricuardi a pùars e a siòrs.*

*Tra fumate e nûl e ploe,  
buere e nêf e frêt e scur,  
di sei biel jò no mi vanti:  
par fortune c'o soi curt!*

## II

- |   |    |   |                                  |
|---|----|---|----------------------------------|
|   | 1  | M. S. Ignazi vesc. m.                             |                                  |
|   | 2  | J. <b>Madone des Cjandells</b>                    | <i>Lune plene</i>                |
|   | 3  | V. S. Blâs vesc. m.                               |                                  |
|   | 4  | S. S. Andrée Cursin vesc.                         |                                  |
| ✠ | 5  | <b>D. Setuagjesime - S. Aghite v. m.</b>          |                                  |
|   | 6  | L. Sante Dorotée v. m.                            |                                  |
|   | 7  | M. S. Romualt abât                                |                                  |
|   | 8  | M. S. Juvenzi vesc. di Aquilée                    |                                  |
|   | 9  | J. Sante Polonie verg.                            | <i>Ultim quart</i>               |
|   | 10 | V. Sante Scolastiche verg.                        |                                  |
|   | 11 | S. <b>Madone di Lourdes</b>                       | <i>(Fieste civil da Concil.)</i> |
| ✠ | 12 | <b>D. Sessagjesime - SS. Fondatôrs dai Servîz</b> |                                  |
|   | 13 | L. Sante Fos'cie m.                               |                                  |
|   | 14 | M. S. Valentin m.                                 |                                  |
|   | 15 | M. S. Faustin m.                                  |                                  |
|   | 16 | G. Sante Giuliane v. m.                           | <i>(Joibe grasse)</i>            |
|   | 17 | V. Ss. Martars di Concuard.                       | <i>Lune gnove di fevrâr</i>      |
|   | 18 | S. S. Simeon ves.                                 |                                  |
| ✠ | 19 | <b>D. Quinquagjesime</b>                          |                                  |
|   | 20 | L. S. Silvan e comp. mm                           | <i>(Sevrût)</i>                  |
|   | 21 | M. S. Severian v. e m.                            | <i>(Ultim di Carnevâl)</i>       |
|   | 22 | M. Sante Margherite verg.                         | <i>(Prin di Coresime)</i>        |
|   | 23 | J. S. Pieri Damian vesc.                          |                                  |
|   | 24 | V. S. Matie apuestul                              | <i>Prin quart</i>                |
|   | 25 | S. S. Porfiri vesc.                               |                                  |
| ✠ | 26 | <b>D. Prime di Coresime</b>                       |                                  |
|   | 27 | L. S. Gabriel da Dolorade                         |                                  |
|   | 28 | M. S. Macari m.                                   |                                  |



## Il spiciòt (1)

Il distin dai Sangeis, par esempi, a lu à messedât un spiciòt: a nàs che, ta la vita di un cristian. na roba ch'a na val un solt a conti pi di un stâr di oru.

I Sangeis a son dispirdûs e la cjasà ch'a vevin a é tocjada a na gnecia ch'ai sta drenti tre meis ad an, l'istât; a l'à lassada come ch'a era già cinquant'agn. quant ch'a muri Jacuma, femina di Costantin Sangei e lui al s'cjampà via pal mont.

A l'é, ta chë cjasà, na cjamara granda come na placia; i lens ai rebatin drenti na lus verda ch'a disbriga la dulia suturna da li robi invidrignidi e cuerti di pulvin: uì a é muarta dona Rica. Tun cjanton a l'é inmò il siò spiciòt e paì scabei i lensoi ch'ai son restas, li cotaloni largj come svintuli e dut cë ch'a n'a rivà adora a fruvà da la sò dota.

Parcé li femini dai Sangeis a erin duti di buna vignuda, ma nissuna a veva purtât la roba di Jacuma Redascula ch'a era rivada nuvicia cun quatri cassons e na sai cetanti femini cui cos plvars (2), cencia tignì cont da l'oru, ch'and'aveva un quart di chilo dome di cordon.

A era una femenona Jacuma e la domenia, quant ch'a geva a Messa, vistida a la moda di four via, cu li scarpi, strapungiuda di gali, a sameava la Madona improntada pa la sagra.

I Sangeis, ta la vita, 'a iu vevin simpri tignûs come i sorestans: a erin gent ch'a si giovava dal sio podé e dal siò savé vivi par scuargi a cui ch'ai coventava roba e conseis; ma chë femina, cu la sò vuardadura grisa, a veva fat mudà fassa a la cjasà. E cun dut ch'a era inmò viva la mari, dona Rica, nissun a aussava pi gi drenti pa la puartuta dal curtif a scuedi il plat da la mignestra o la vera dal vin par un malât. La vecja a si rangiava istés, ch'a veva Cumestia e a podega mandalu di riscous do' che mai a voleva.

A l'era Cumestia il servitour vecju, ch'al lu veva tirât su missar Fidri par ch'ai servis di bona spala a lui paron e cjaciadour: al steva setemani interi a cjacia in mont o

(1) la rocca.

(2) ricolmi.

là pai palûs in compagnia di na sai cefancju di lour. Co' a tornavin dongja, Cumestia al improntava a chê gent plena di buntimp cenons di salvadi ch'a duravin duta la not: a netavin four speis sproposelâs di cators e di gjai di mont, tecjadi pengi di jévar e di cjamoc' che nissun a l'era brau da fa come Cumestia.

Dopo muart il paron vecju lui a n'al veva pi aussât cjapà il s'cjopu in man e a na erin nencja rivâs adora a strissinalu via a mostrà i bus bogn pal besteam, ch'al jù conosceva duc', chei dai contornus.

Ma li ceni pa li compagnis che Costantin al menava in mont e ch'a tornavin dongja cui carneirs pivars al li parecjava inmò Cumestia: al tacava a darpà a bunora pa la cusinona, cun tun par di massaruti ch'al li faseva redà come 'espi fin ch'a na erin prons i plens e i cunceirs, po' al li sentava sul fogolâr a menà intor i speis par ori e ori, fin a fali specià da cjalt. Co' la gent a tacava a rivà Cumestia al impiava il precot su la punta dal piron e i rose' a finivin da mulisitasi sot li sflameadi verdi da l'argjel.

Nencja Jacuma, ch'a veva cjapât duta la paronancia da la cjasa, a na podeva intrigasi quant ch'al faseva da mangja Cumestia e s'ai geva dongja a tacà rampins o a comandai alc, come ch'ai era tocjât subit maridada, il vecju, bel sfregalansi cu la man la barbissa speloca, al cjapava su e al geva four; su la puarda di cjasa ai sgna-cava na spudada.

A vevin il siò ce fa a sburilu e a ridusalu a tornà a fa da cena; a coventava che Dona Rica a si movés jé:

— Parcé j seis vô dona e dome par rispiet vuestri, tigneivalu a mins.

E al tornava cul nas riciât sora li so tecj.

Cun duta che la siuria un pôc impicutida che Costantin al menava dongja a na ves nissun ce fa cu li compagnis ghiardi ch'a vignevin par cjasa in timp dal vecju, ai plasevin istés a duc' li ceni dai Sangeis. A Cumestia ai parevin na sglonfadura: a l'era diventât dut sglonf in cjasa dopo in ca' che dona Rica a si era tirada a vivi da banda. Sa vés pudût distuelasi di chê cjasa ch'a na era pi sô o disfantasi a sarés stada contenta. A distrideva li sô zornadi a filà, in cjâf il fouc, pirduda enfri li cotoloni neri cul fus, il spiciôt e cu li mans simpri in svalg driu li bavi di lana.

A la nuara a n'ai smecava ch'a fasés chē vora; a la supava cun ocjadi intuesseadi (1), sa capitava gent e la vecja a faseva fenta da no inecuargiasi.

Na not a vevin na cena di gjalinaci, ch'a erin stās in palût na setemana prima e a vevin fat na miegia pesta-dicia. A tacava a rivà gent e la vecja a filava bessola tal siò cjanton:

— Poiait chel spiciot! —

Dona Rica a scontrà i voi insuriās di so nuara, a dē na menadina di cjâf e a si voltà a saludà un ch'ai era vignût dongja:

— Butait via chel imprest! — Ai sivilà inmò Jacuma, po' ai cjapà il spiciot e ai fasè fa un svual par adalt dal fogolâr fin sot la tavalà: a pareva na sbrenada. La vecja rossa, ch'ai vigneva da vai a dismontà dal cjadreon e a traversà la cjasà; nissun a sicava. Cumestia ai viergé la puarta da la s'cjala e ai gé davour.

Dopo d'in chē not dona Rica a na tornà pi a bas e a restà ta la so cjamara a filà in pàs la so lana. Il servitour al la cjatà na di, là pa l'unvier, secja su la cjadrea: ai era plasût da murì a plane, come ch'a era vivuda.

\*\*\*

A fo na sai cetant là dopo muarta la vecja, che Costantin e Jacuma a cjaparin da di: un barufon do' ch'a tirarin adun duc' i cantins e Costantin ai spudà four ce ch'al veva tal stomi, tanti robì che Jacuma a tacà a roseasi: i pinseirs ai mosenavin il ciriviel come caroi.

Cumestia al la ualmava: na di lu mandà a clamà:

— Puartini il spiciot! —

— J giarai a favint-in fa un. —

— Nò, j vuei il siò, lassù. —

A disledrosava i voi da fa poura e il servitour al rivà 'ù da là un pòc il spiciot, il fus e la lana che la vecja a veva lassât.

E Jacuma a tacà a filà e a filà par tre agn, cencia batì peravala, rugnant come na bestia quant ch'a jodevin da platai i argagns cun chē da fai passà la matetât; fin ch'a na iu tornavin a dà a faseva cencia pausa. motu da filà e da stuargi. Cumestia al steva lui a vuardeala e, come se Diu al lu vés impegnât par chel cont, al sburiva four lana, bavela, cjanaipa, di dut e al improntava i pan-

(1) avvelenate.



gei (1) par che la pora femina a filàs dutal di fin ch'a colava strimida.

Quant ch'a podé muri il servitour al gé a recuei il spiciòt e lu sinterin rumià là pa la cjamara di dona Rica par dij ch'a podeva durmì in pàs.

NOVELE AURORE CANTARUTTI

## Velcelina

*Da San Suall a la Barzana,  
sul Vajont e la Celina,  
fra li Vals e la Clautana,  
'e tu pause, Valcelina!*

.....  
*Al sorele, la matina,  
quan' ch'al jeva al rit sui flours.  
e 'na musica divina  
'a contente duç i cours.*

V. UGO PIAZZA

*I Gurizzans  
son propri vêrs Furlans.*

## Det populâr

*Di cugiaro, s'jo pues di sedón,  
jo sarés un mencion  
a fevelâ e no jessi intindût  
dentre de vile là ch'io sôl nassût.*

COLAU MURLUPIN  
(sec. XVI)

---

(1) pennacchi.



*'O nevei, 'o plûf, 'o svinti,  
no us fâs meti jù il tabâr:  
ma jo scovi vie lis ùltimis  
raspadizzis dal unviar.*

*Ognî stec al à il so butul,  
ogni cise la so vôs...  
Je con me la Primevère,  
se ance ben jo soi estrôs.*

### III

- |   |    |    |  |       |                           |
|---|----|----|--|-------|---------------------------|
|   | 1  | M. | S. Albin vesc.                                       | Q. T. |                           |
|   | 2  | J. | S. Simplizi pape                                     |       |                           |
|   | 3  | V. | Sante Cunegonde imp.                                 | Q. T. | <i>Lune plene</i>         |
|   | 4  | S. | S. Casimîr vesc.                                     | Q. T. |                           |
| ✠ | 5  | D. | <b>Seconde di Coresime - S. Adrian</b>               |       |                           |
|   | 6  | L. | Santis Perpetue e Felizite mm.                       |       |                           |
|   | 7  | M. | S. Tomâs di Aquin dot.                               |       |                           |
|   | 8  | M. | S. Zuan di Dio                                       |       |                           |
|   | 9  | J. | Sante Frances'cie Romane vedue                       |       |                           |
|   | 10 | V. | Ss. Corante Mårtars                                  |       | <i>Ultim quart</i>        |
|   | 11 | S. | S. Cjandit e Comp. mm.                               |       |                           |
| ✠ | 12 | D. | <b>Tiarze di Coresime - S. Grivôr I. pape</b>        |       |                           |
|   | 13 | L. | Sante Cristine m.                                    |       |                           |
|   | 14 | M. | Sante Matilde reg.                                   |       |                           |
|   | 15 | M. | S. Longin soldât                                     |       |                           |
|   | 16 | J. | Ss. Ilari e Tazian protet. di Gurizze                |       |                           |
|   | 17 | V. | S. Patrizi vesc.                                     |       |                           |
|   | 18 | S. | S. Ciril vesc. e dot.                                |       |                           |
| ✠ | 19 | D. | <b>Quarte di Coresime - S. Josef marit de Madone</b> |       |                           |
|   |    |    |  |       | <i>Lune gnove di marz</i> |
|   | 20 | L. | Sante Claudie m.                                     |       |                           |
|   | 21 | M. | S. Benedet ab.                                       |       |                           |
|   | 22 | M. | S. Saturnin e comp. mm.                              |       |                           |
|   | 23 | J. | S. Fedêl m.  |       |                           |
|   | 24 | V. | S. Gabriel arcagnul                                  |       |                           |
|   | 25 | S. | <b>La Nunziade, titolâr dal Domo di Udin</b>         |       |                           |
| ✠ | 26 | D. | <b>di Passion - S. Emanuel m.</b>                    |       |                           |
|   |    |    |  |       | <i>Prin quart</i>         |
|   | 27 | L. | S. Zuan di Damasc vesc. e dot.                       |       |                           |
|   | 28 | M. | S. Zuan di Capistran conf.                           |       |                           |
|   | 29 | M. | S. Secont m.   |       |                           |
|   | 30 | J. | S. Quirin m.   |       |                           |
|   | 31 | V. | S. Beniamin m.                                       |       |                           |



## L' ucelut de mont Cianine

Ogni domenie la vilie de seconde di Mai, apene bonât soreli, si viôt tal cîl parsore chei tre dint' che scusse mont Cianine un pizzul pont neri, e un ucelut imburit come une clapade al ven jù tai prâz di Soles'cian a poiâsi sun t'un pôl. Chel ucelut cu lis alis a pendolòn al clame la gnot con un ciant cussî malanconic e misteriôs che lis fantatis che lu sintin vignint a ciase di passon, senze savé parcè ur ven voe di vai. Al somée l'ultime vôs de l'ortolan quant che tal vert al si lamente de so campagne, o in une gnot senze stelis il gri di avost che dongie un cimiteri al prèe la ploe. Ta l'indoman plui di un di chei che vegnin a balà su la fieste dei Pastors e' àn vidût chel pôl flapit come che al ves il viâr, o che 'i ves trat parentri la saete. E' disin che une volte in chei prâz 'e vignive a passon une fantate. Blancie e rosse come un milûz, une vite gaiarine, i vôi come dos moris, il nasût visentin, 'e filave, 'e ciantave, 'e jere la plui bieles dal país. Fra i tanc' che 'i fasevin l'amôr un zovenut la veve ciolete e in te' fieste de seconde di mai e' si erin impro-metûz di balà insieme la prime bôlzare. Ma che' fantate 'e leve qualche volte a Palme a vendi ûs e a baratà fildure. Il fi del Comandant 'i dè di voli e slicansi i mustacs e fasint zinghignà la spade, subit che la vedeve sintade cul so zeût in bande in te' ombrene des acazis, al capitave in plazze e 'i leve passant parmls. Je si ere intaiade, e, parcè che un militar cussî biel vistût e dut lustrât i pareve une persone in grant, 'e si tignive in bon, e quant che saveve di véssal daûr 'e leve vie impicotide gioldinse tra piel e uès e cu la code dal voli qualche frighinin 'i riduzzave. Bisugne ancie che une volte o l'altre e' si vessin fra di lôr zisicât, parcè che il di de fieste dei Pastors si vedè a comparì traviars la grave de Tôr come un pichet di soldâz. Tamburs e trombetis e' lusignavin in jenfere lis fuèis de poolade, daûr une bieles carrozze plene di penacieris. Quant che forin sul prât, i sunadorss spauriz e' cidinarin i violins, lis polzetis si tiravin di bande, i pastors par no jessi pes'ciâz e' scugnivin mocâse disjù dal breâr. La musiche todes'cie si implantà tal miez de fieste, e che' fantate, dismenteade dal so puor país, in presinze di tante int' 'e vè cûr di balà je di bessole cul fi dal Comandant par plui di un'ore a di lunc. Ma daspò che' domenie al fo finît il so ben.

'E scomenzà a smarisi di color, une fierisine 'i jere entrate tai ues, e tombadizze e strissinide 'e leve vie pendo-lant e distruzinsi a voli vidint.

Pareve che biel balant chel siôr 'i ves soflât il tuès-sin tal cûr, o pur che te ves striade. E fo a Barbane, e fo a Madone di Mont: la menarin par duc' i Santuaris a fâsi benedi, ma al ere di bant. Si butà in jet e in pôc timp 'e murì maludide dal Signor. E' disin che, tal mentri che erin a soterale, une figure lungie vistude di blanc, cul rassadôr sul ciâf, 'e fo vidude sul pas di Manzan a domandà la barcie. Al sglavinave a selis, e il Nadison d'une rive a l'altre. I barcarui no olevin ris'ciâsi; ma je 'e giavà une man e ur segnà di lâ indevant: e la man scredelide 'e jere di muârt. Si sintivin a glazzà i pîs tes zòculis, e senze di un flât e' ciolerin sù il rem. Quant che forin di là, une bugade di vint la puartà in àiar e par un piez a di lunc la vedevin tal nûl a remenâsi come la code de Buje.

'E jé cumò lassù te' nêf di mont Cianine che vai e che purghe in eterno il so peciât.

CATINE PERCOTO

## L' anconuta

*Sul mâr d'una vecia contradi  
una Madona di ciera  
'e è lì ch'a mi ciala,  
cun qualchi florût  
ch'a 'i fâs compagnia.  
Simpri giovina 'a è restada  
la me biela Madonuta  
ta la lûs dai siei colôrs,  
come se 'a fòs protezuda  
dal siò nom benedet.  
Ch'o la ciali, 'a mi pâr  
ch'a sostegni li ciasis;  
e ch'a tegni impiadis  
la fede  
e li antichis memoris  
dai nestris antenâs.*

MARIO ARGANTE

## Flôrs salvadis

— Flôrs che vivèis pei ciamps,  
no vês pore dai lamps,  
da criure, dal scur? —  
— E se ancie si mâr?...  
che il muri al è un moment:  
un vaî e un lament...  
Par nô, scune al è il cîl  
e nô 'o sîn mil e mil... —  
— Il mangiâ lu vês lì,  
sot da tiare, ogni dì;  
la rosade us dà un got,  
s'o vês sêt, vie pe gnot,  
e da viarte il colôr  
al viestîs ogni flôr.  
Flôrs salvadis, cussì,  
vâs insomp di par di... —

TONI DE LUISA

## Odôr di mughêt

Dôngie de ciase  
rêt dal rojûz  
un toc di tiere  
e tanc' mughês...  
Ce ridi co' erin fruz  
atôr di chel rojûz;  
ce gust in che stagion  
co in cûr al mi sflocave  
il prin amôr  
sintl l'odôr  
di chei mughês...  
Passade é primevere  
ma pensi inmò  
a chel tocût di tiere  
cun tanc' mughês  
dôngie de ciase  
rêt dal rojûz...

PIERI SOMEDA DE MARCO



## Veis

Arzènt di nulis  
e il pùor e grand penseir,  
e mal e ben in drenti in ta li venis.

Arzènt lizeir  
in viàs ta un gran vilùt  
di scur di stelis.  
E fermis, grandi' ombrenis.

Zornadis plenis,  
e oris di sflandour,  
vignudis coma flamis di distin.

Sora il sindour  
di plaia ades al fis  
il clar di luna.  
Il clar di un mond sidin.

Sora il to grin,  
su la tovaia bianca  
dal nustri allòr. E gran blecòns di timp  
di un ros brusàt  
sì pòin sora una bancia.  
Fueàn s'cianàt  
ch'al svuala e al cola a stimp.

Fueàn sonciat  
dal lenc. Ma mai pierdul.  
Tal cialt dal nustri flat al doul  
un lung clamà  
mai cunsumat dal dut.  
Un lung spelà  
cui dis lis veis dal doul.

RICARDO CASTELLANI

## Autun

Cricin fruzzadis sot i pìs lis fueis,  
lunc vie pal bosc, di autun.  
Come in tun rial 'o passi  
di muarte vite che par me 'e rissùscite.

A lunc, a lunc, o ài cjaminàt tal bosc,  
chel vif sunsùr a lunc; a lunc lu sint:  
al mi è jentràt tal sanc:  
in me nol mâr.

RICHE CRAGNOLINI



*Al splendòr dal miò soreli  
si spalanchin i balcòns.  
Lis cisilis son tornadis  
a fà il nît sol i portòns.*

*Pes tavielis e pes plagnis  
al scomenze il gran cefà.  
Lavorait! Par cui che al spere  
jé une fieste semenà.*

## IV

- 1 S. Ugo vesc.
- ✠ 2 **Domenie Ulive**
- 3 *Lunis Sant* - S. Francesc di Paule *Lune plene*
- 4 *Martas Sant* - S. Isidôr vesc. e dot.
- 5 *Miarcus Sant* - S. Vizenz Fereri
- 6 *Joiibe Sante* - Cene dal Signôr
- 7 *Vinars Sant* - **Passion e muart dal Signôr**
- 8 *Sabide Sante* - S. Demetri m.
- ✠ 9 **D. Pasche Maiôr - Resurezion dal Signôr**
- 10 L. **Seconde di Pasche** *Ultim quart*
- 11 M. S. Leon pape
- 12 M. S. Zenou vesc.
- 13 J. S. Gjldo re
- 14 V. S. Justin dot.
- 15 S. S. Masimo m.
- ✠ 16 **D. In Albis - Otave di Pasche**
- 17 L. S. Aniceto pp. m. *Lune gnove di avrîl*
- 18 M. S. Gialdin vesc.
- 19 M. S. Espedît e comp. mm.
- 20 J. S. Marzian predi
- 21 V. S. Anselmo vesc.
- 22 S. Ss. Sostêr e Caio mm.
- ✠ 23 **D. Beade Eline Valentinis vedue di Udin**
- 24 L. S. Fedel capucin martar *Prin quart*
- 25 M. S. Marc vanzelist
- 26 M. Patrozini di S. Josef
- 27 J. Sante Zite verg.
- 28 V. S. Pauli de Crôs conf.
- 29 S. S. Pieri martar di Verone
- ✠ 30 **D. Sante Catarine di Siene protettrice d'Italie**



## La croniche

Al conte Barbe Blâs, sentât sul cjadreon parvie dai romatics:

Tal gialinâr dal prin contadin insomp dal país, apene lât a mont soreli, lis gjalinis, lis razzis, lis dindis, i colomps si jerin tirâz dongje e scrufujâz, ognidun secont il so costum, sul so stec o sul so cavalet.

Une gjalinute tarondele, cu lis plumis blancjs e lis giambis curtis, intant che spietave chê di Peonis, 'e tacà a fâsi un fregul di pulizie. 'E jere une gialine che faseve i siej ûs di juste misure pe so corporadure, e in juste quantitat. 'I plaseve la mondisie, e un fregul di contegno, ma come gjaline 'e jere une gjaline di sest e nol jere nuje ce di sul so cont.

Intant che si netave cul bec e si spacave lis alis, une plumute sporcje j saltà fûr e j colà.

— Pobèn, bon viaz — disè la gjaline. — Miôr une plume di mancûl che no la cragne intôr. Plui si è netis e plui si è bielîs.

'E veve dit cussî riduzzant, tant par di alc, parvie che jere une bestie gjuviâl e badajote; e dutis lu savevin. Dal rest, 'o ài pur dite che jere une gjaline di sest. E subite dopo si jere impisulide cu la creste sot de ale.

Dopo un pôc, chê dut al jere cidin tal gialinâr, une bestie viele e scrodeade che sleve scrofade juste dongje de gjaline blancje e che veve sintût e no sintût — come che si seugne fâ in chest mont, cui ch'a nol ûl lâ in displasès — 'e cisicà ta l'orele a l'amie che stave di là:

— Astu sintût?

— Ce po'?

— Mah, io no fâs nons, ma culi dentri 'e je une gjaline che si gjave lis plumis par sameà plui bieles. S'o fos jo il gjal, 'o dis la veretât, nancje no cjalares in ghigne une persone cussî...

Parsore des gjalinis 'e jerin cluciz i colomps: un colomp, une colombe e tre-quatri colombuz di dôs niadis.

— Vualtris no steit a abadâ. No son discors par vualtris.

E po' 'e zontà:

— Ma cjalait mo' ce ch'al tocje di sinti in chest mont. Culî sot 'e je une gjaline che à piardude la vergogne e si gjave lis plumis, in prisinze dal gjal. Urcje, sozzate!

— Po' sono robis di contâ denant de canae, mazzulate di femine — al businà il colomp — adulà astu il ciâf?

La colombe, parmalose, j fasè il music e dopo un lamp 'e sbrissà fûr cidine cidine pe balconete e vie di svôl tal gjalinâr de cjase dongje, a sbrocâsi cun tune pomezze ch'è jerin in amicizie: une pomezze parben, di pœjs fotis, di chês che no ur plâs di là a fâ cjâcaris.

— 'O ài cjatât da di cun chel rusinât di mascli... Tu pûs crodi: al mi à dât su la vôs parvie che... spiete ch'ò ti' conti dut. Lì, tal nestri gjalinâr, 'o vin une gjaline di chês che... Si pâr mâl a slengonà, ma al ven a staj — che resti tra di nô — che à vût cûr di gjavâsi dutis lis plumis, par fâsi viodi dal gjal in chel stât. E... cussi, sastu, in prisinze di duc'!... Cun dute la zoventût che je lì dentri, di quatri covadis. Jo 'o dis par cont dai miej pizzuj...

— Ben, pò!

— Nomo? 'E son di chês robis!... E cun chel frêt ch'al è, j pò capitâ, tanche nuje, une ponte. E magari piês! Pobèn, e lui, chel dordel, al à di vignîmi a dâ su la vôs parcè ch'ò ài dite alc. Robis che... va e no va che j deve reson! Eh?

— Mari Sante benedete, ce tims scostumâz. 'O di-sevi juste orsere cu la faraone di Pignut... Anzit, cjale ve' 'o vuez propit là a contâje.

E cidinutis, biel planchin, clopant ognidune a so mût e menant di ca e di là la brazzadure di daûr, lis dôs amiônis s'inviârin de bande di Pignut. Lì 'e cjatârin il gjalinâr siarât.

— Comari Grise! Oh comari Grise!

— Ben — 'e rispuindè la faraone di dentri.

— Ven ca un moment, ustù, su la puarte; sint cheste che je gnove. 'E je cà la colombe di Cariolin che mi 'nd'à contade une di chês cul pël. Sastu che lassù, in chel pulinâr, lis gjalinis si gjâvin lis plumis par amôr dal gjal! E po' dopo, 'e muerin di palmonite!!!

Dut il polam di Pignut al si jere intropât alì daûr de puarte a sinti la nuvitât.

— 'O conti jo — disal il gjal — ce campion di mas'cjo ch'al è chel! Ueliso sinti ce splendare? — e sglofant il cucl, al molâ fûr un chichirichi baritonâl che la gnot cidine 'e fo dute implenade de sô vôs. A un a un, di cort in cort 'e rispuinderin duc' i gjai dal paîs. E l'ultin al fo chel di Cariolin ch'al tacà a piulâ cun t'ûne vosute sclapade che j pirlave le gôse, e a mieze strade si fermâ di colp parvie di un catâr restât jù pal sgrasalar.

— Velu lì ch'al à i passarins tal gargât — al disè il

gjal di Pignut, tigninsi in bon. — Oh ben po', cheste 'o uei propit fâle meti sul giornal. Garantide che doman dut il mont al fevelarà des gjalinis di Cariolin che si spèlin di bessolis...

E cussi, di gjalinâr in gjalinâr, la grande nuvitât che lis gjalinis di un contadin si vevin gjavadis lis plumis par amôr di un gjal cence vôs, cence creste, cence code e bon di nuje, 'e rivà dapît de vile e, par chê altre contrade 'e tornà sù fintremai insomp, dontri che jere partide.

L'indoman, apene di, la gjalinute blancje, cu lis gjambutis curtis, dute puliziose e slissadine, 'e leve atôr businant:

— Veso sintût, animis, che orsere, in tun gjalinâr culi atôr, dutis lis gjalinis si son gjavadis lis plumis par mostrâ quale che jere diventade plui magre par amôr dal gjal? E che dutis 'e àn cjàpât un brut colp di frêt e cumò 'e son plui di là che no di ca, cu la fiere? Ah ce vergogne, ah ce scandal, ah ce robonis!

BEPO MARCHET

## Un gri

*Un gri pe taviele zidine  
al ciente contènt e beât.  
Gri-gri, zaromai 'stu jevât,  
gri-gri, tel blancôr de matine?*

*Duc' duarmin. Daûr la montagne  
al polse 'l soreli ancemò.  
In pîs, eco, o' sîn nome jo  
e tè, vie pe grande campagne.*

*In doi. — Ma ze grande, oh, ze grande  
distânzie che jê fra di nô!  
Tu legri, tu zovin; e jo ...  
fastidis, dolôrs di ogni bande.*

*Gri-gri, tel frescôr de rosade  
tu i ciantis la glòrie al Signôr:  
a mi jù pe muse mi cor  
une làgrime disperade ...*

GIOVANIN LORENZONI



## Anin a fâ l'amôr

Anin, usgnòt, bambine,  
anin a fâ l'amôr.  
Lassù tal cîl lis stelis  
cîmlin biel fra di lôr,

ca jù lis lusignutis  
a van di ca, di là...  
Cumò l'è scâr, je vere,  
ma tu no sta pensâ.

Plui tart sarà la lune  
ch'a fasarà lusôr.  
La gnot jè das plui bielis:  
ce vustu tu di miôr?

Pai prâz dai grîs il coro,  
pai boscs il rusignâl  
nus fas la serenade  
tal nestri biel Friâl.

Dami la man bambine,  
anin a fâ l'amôr:  
vâl plui 'ne gnòt di lune  
che mil cence lusôr.

PAULIN URBANI

## Un vel d'arint

'A s'ingrispe  
parsore vie  
l'aghe dal mar,  
a malapene  
movude dal vint.

'A s'ingrispe,  
e sot che lune  
ch'a fas tant clâr,  
'a par un vel  
ricamât d'arint.

PAULIN URBANI



'O disuedi 'a mil lis rosis  
de mé cosse senze fons,  
e, fra miez, zariesis rosis,  
sparcs, lidric e cesaròns...

Cheste 'e jé stagion di gioldi  
fra campagne e cil lusint:  
se ven voe di piardi scuele  
jé la colpe dal biel timp.

# V

- |      |    |  |                          |
|------|----|--|--------------------------|
| 1    | L. | Ss. Filip e Jacum                                    | (Fieste dal lavôr)       |
| 2    | M. | S. Atanàsi v. dot.                                   | <i>Lune plene</i>        |
| 3    | M. | Scuviarte de Crôs                                    |                          |
| 4    | J. | Sante Mòniche ved.                                   |                          |
| 5    | V. | S. Florean m.  |                          |
| 6    | S. | S. Zuan a Puarte Latine                              |                          |
| ✠ 7  | D. | <b>Stanislau vesc e m.</b>                           |                          |
| 8    | L. | Aparizìon di S. Michêl                               | (Fieste de Vitorie)      |
| 9    | M. | S. Grivôr di Nazian v. d.                            | <i>Ultim quart</i>       |
| 10   | M. | S. Antonin vesc.                                     |                          |
| 11   | J. | Sante Giovâne di Arc. verg.                          |                          |
| 12   | V. | Ss. Nereo e Achile mart.                             |                          |
| 13   | S. | Sante Glicèrie m.                                    |                          |
| ✠ 14 | D. | <b>S. Bonifazi m.</b>                                |                          |
| 15   | L. | <i>Rogazions</i> - S. Zuan Batiste de la Salle conf. |                          |
| 16   | M. | <i>Rogazions</i> - S. Ubald vesc.                    |                          |
| 17   | M. | <i>Rogazions</i> - S. Pascâl conf                    | <i>Lune gnove di mai</i> |
| ✠ 18 | J. | <b>La Sense</b>                                      |                          |
| 19   | V. | S. Zelestin pape                                     |                          |
| 20   | S. | S. Bernardin di Siene conf.                          |                          |
| ✠ 21 | D. | <b>S. Vitorio e comp. m.</b>                         |                          |
| 22   | L. | S. Rite di Cassie verg.                              |                          |
| 23   | M. | S. Desideri  |                          |
| 24   | M. | Sante Susane verg.                                   | <i>Prin quart</i>        |
| 25   | J. | S. Urban pape  |                          |
| 26   | V. | S. Filip Neri conf.                                  |                          |
| 27   | S. | S. Bede il venerabil dot.                            |                          |
| ✠ 28 | D. | <b>Pasche di Rosis - Pentecostis</b>                 |                          |
| 29   | L. | Sante M. Madalene de' Pazzis verg                    |                          |
| 30   | M. | S. Feliz pape  |                          |
| 31   | M. | Ss. Canzi Canzian e Canzianile mm di Aquilée         | <i>Lune plene</i>        |



## Comeliàns di une volte

No sòi di Comeliàns, ma a Comeliàns 'o uèi un grum di ben da une vorone di agns. 'O vignivi cà quan' che jerin anciemò lis corieris cui ciavai, dutis sconquassadis e imberladis, che imbarciavin i foresc' nuie di mancul che a Stazion da Ciargne.

E ce scossis, ce urtòns e ce bal di san Vit prime di rivà fin cassù! Qualchi volte lis valisis, metudis in disordin dongie di Mian (chel ch'al guidave la coriere), 'e colavin jù pai fossai e pes ravis, fintremai che qualchi arbul lis fermave: ma in ce stât!... Mian alore al fermave i ciavai, al mostrave cu la scorie lis va'isis sconquassadis e al diseve: « I paròns che vadin a ciol'lis »! E i « paròns » 'e dismantavin, plens di pazienze, e 'e tornavin sù a fuarze di fadiis strissinànt lis puaris valisis.

Intant Mian al impiave la pipe, al spudave, al daye une bruntulade ai ciavai che no olevin là indevânt.

Quan' ch'al ploveve e l'aghe 'e jentrave a p'len te coriere, Mian al si contentave di dî: « Tirait lis tendinis ». E al veve resòn, parcè che i veris no jerin. Ma intant lis tendis strafontis ti bagnavin la schene e, a spissulon, dut il rest.

S'a nol ploveve, soreli che ti rustive e un polvaron che al entrave te coriere e nol lasave ciapà flât.

In t'ogni ostarie, alt. « Al è un mistir ch'al fâs sèt », al diseve Mian, e al beveve il so quartùt. Po' dopo, scoreadis dal bambin su chei puars ciavai: e jù qualchi mocul, magari cussì no. Ma Mian nol blestemave par tristerie: anzi dopo al domandave perdon.

Al ere tant bon e onest il puar Mian! Su la rive di Chiassis, plui di qualchi volte i zovins 'e scugnivin dismontà e sburtà la coriere, parcè che i ciavai no rivavin a tirà di bessoi. Si rideve e nissun nol protestave... Altris timps! mancul premure e plui pazienze! Ce interessavino incidènz dal gienar, quan' che dut intôr al ere tant biel e meraveôs?

Boscs di pins, montagnis che rivavin fin al cîl, il Degan vert les sôs gravis, e paisùs sparnizzâz pes ravis, e glesis antighis rimpinadis sui cuei, scuindudis tra i pez, e la strade tajade tai crez o a plomp sul Degan. Si cialave instupidis, e nissun nol pensave plui a lis valisis che lavin a torombulis o a la coriere che bisugnave sburtâ... Il biel ch'al ere di ogni bande nol lassave timp di lamentâsi.

Propit altris tims! Ma ancie voi plui nez e plui atènz par gioldi chel spettacul di maravèe.

Quan' che al Signòr 'i plaseve, si rivave a Comeliàns, ma si rivave. Ce bordèl di paesans 'tòr de coriere e dai ciavai che fumavin de fadiel! Duc' ti saludavin, come amis di simpri. Al pareve di essi in famèe, par vie di che cordialità che ti faseve ben al cur. La prime fermade 'e jere al caffè Castelan, l'unic caffè dal país. 'E jere une sole stanze strete, indulà che no si sa cemut che stessin dentri bancs, taulins, damigianis, butilliis e, daür dal banc, Catine, simpri atente e contente, e siòr Anzul, simpri suturno e seriòl, e in plui i clienz che sberghelavin a plui podè.

Ce razze di bordèl, ce fum, ce odòr di aghe-di-vite e di toscàns! Epùr chel caffè al pareve un lusso, e i studiàz 'e rivavin a zuià di scacs o di terzilio, o a discori sul ultin ministeri di Giolitti.

L'albergo al ere chel « alle Alpi », che al pareve un palaz di siòrs di une volte. Ma ancie lì dentri 'e jere tante intimitàt e fraternitàt cun duc'. Si viodeve une taule distinade ai dotòrs: il farmacist, il miedi, il nodàr e il vidrinari. Chesta taule 'e varès podùt tignì lontans duc', se il farmacist no si fos clamàt Dante Raber e il miedi Bepo Vazzola. Tipos curiòs, ma cun t'un cùr d'aur dentri une pieleate dure; ruspìos ma bogns come il pan. Siòr Dante al saveve meti insieme cu lis ricetis ancie la passion pal sport e pe velocitàt. Cui sa se si ricuardin ancimò des corsis di maz sul so « fareon », vie pe strade, lusint come un aciàr, di Maranzanis a Comeliàns? Prime di scomencià la corse, mi veve dite come che fos une robe di nuie: « Al è miòr che si giavi 'i ociai, parcè che se 'o larin a sbati cuintri un mûr, almancul chei 'a si salvaran ». Quan' ch'ò pensi a chestis peraulis, 'o cipis che al oleve un biel coragio a lài daür su chel « fareon » da cià dal diaul...

Rivàz a « Le Alpi », 'o ciatavin « siore Mimì », che ere parone e coghe dal locâl. Si viodeve la so persone lungie e magre là indenànt e indaür cence un moment di padin, in miez a lis citis che fumavin e a la vintule furnide di ogni ben di Dio. Sul fogolâr, grant come un monument, al ere il ciavedâl, e la flame ch'è faseve un sflandòr di continuo. Se siore Mimì 'e preparave il pressùt, ti deve subit di zercialu; se taiave il salam, tu vevis sigùr une fete, e ti domandave se ti plaseve. 'E spietave il judizzi dal client, come un vanzeli, e 'e jere beade e contente se tu 'i disevis: « straordenari », o « ecelent »!

La specialitât de cuisine 'e jere la famose mignestre di fasui fresc's, cul uès dal persùl, e i gnocs cu la « scueta di mont ». Su chest pont siore Mimì nissun la bateve, e jè 'e veve une bravure che no steve te piel. Ma cui ch'al oleve zerciâ un plat veramentri speciâl di salvadi cu la polente, al veve di lâ alî di Tin Cecòn. La coghe 'e jere la so femine, ma il salvadi lu furnive lui, siôr Tin, ch'al ere ciaciadôr cence confront, el « Nembròl » par ecelenze di Comeliâns e d'intôr. E ce sghirèz di fiâr ch'al veve, e ce smire ch'a nol sbagliave mai, e ce cians babios! 'I invidiôs 'e disevin ch'al sgionfave quan' ch'al contave lis sôs aventuris e tropis bestis ch'al veve copât: ma si viôt che chei puarèz no erin mai stâz ciaciadôrs... 'O podarès lâ indenant e salacôr lu fasarai un'altre volte, quan' che us contarai altris robis dal passât ch'a nol è lontan, ma che a une vore di lôr al semée ch'al sedi prin dal diluvi...

Ué 'o vîn la radio in dutis lis ciasis, 'e son i autopulmans di Tavoschi, i otomobii privâz, lis « giespis », il « jazz », la « rumbe » su ogni breâr; 'e son i giornai che mostrin lis giambis di dutis lis feminis; al è insome un altri mont. Ma chel ch'al mancie di sigûr 'e jè la pâs serene, la cordialitât tes fameis, la union fraterne des animis e dai cûrs. Tornarano chei timps? Sperin, e se no puars nô!

D. UGO MASOTTI

## Friul

*Ze tant bielîs chês montagnis  
che nus lusin in tai voi!  
E la vôs di chês ciampanis,  
lis sis'lis cui lor voi?*

*Jè tant bieles cheste tiare  
e tant buine cheste int  
che lant vie il cur si siare,  
si suspire ance durmint.*

*Zemût êse di chei fis  
che son vie tant lontan?  
Che in chest nestri paradîs  
e tornassin duc' doman!*

GUIDO MICHELUTTI



## La muart provisoria

Za un secul, in un paisùt di montagna, 'a usavin a puartâ il muart in cimiteri. invuluzzât in un lenzûl; e par lâ in cimiteri 'a tociava zî su par un troi plen di bârs di spin dal Signôr.

Al è sucedût che Beta, la femina di Toni Dordei, ancemò in buna etât, a è stada declarada muarta da un miedi zovin e pôc pratic. Intant ch'a la puartavin in cimiteri, il pûar Toni al veva zà cumenziât a dâsi coragio e a pensâ se 'a 'i convigniva di tornâ a compagnâsi.

Ma figuraisi il siò spavënt, quant che al si è jodût a comparì. in cusina, Beta, vistuda di muarta, ch'a lu à ciapât a brazzecuel e bussât. siguranlu ch'a era anciemò viva in anima e cuarp, in grazia di un spin dal Signôr, ch'al si era implantât in una part delicada dal siò cuarp, intant che i bechins 'a la puartavin in cimiteri su pal troi!

Dopo quindis ains, Beta 'a è muarta sul serio e Toni, rassegnât, ma di pora che Beta 'a 'i tornàs a comparì. prima dal funerâl al à fat taiâ duciu i bârs di spin ch'a si ciatavin su pal troi dal cimiteri.

TORQUATO LINZI

## La man 'te to man...

*E batìn lis oris de sere...  
E colin dal vâs de ciampâne  
po vie si pierdin lontan:  
un grop di pensîr si spampâne  
al ven, al si fâs, si disfâs,  
e son flôrs, e son pomis  
son spinis di tantis zornadis;  
ma tu stami dôngie, vicine,  
il ciânt nol mûr mai da lis stelis,  
la man te to man...  
No impuarte se no tu fevelis;  
sol quant co sarin liberâs  
di chel pês che nus inciadène  
no impiarin doi luminûs  
'te immensitât alte serène  
dal cûl...*

PIERI SOMEDA DE MARCO



# JUIN

*Il soreli al monte in glòrie;  
e sot gnot, pes pradarùs,  
un ansià lizér di lùsignis,  
un ciantà sutil di gris...*

*Il formènt al plee la creste,  
si madrès il nestri pan:  
emplarès, se il Signôr jude,  
il granâr ance chest an.*

# VI

- |   |    |           |                                       |                           |
|---|----|-----------|---------------------------------------|---------------------------|
|   | 1  | J.        | S. Pànfil predi                       |                           |
|   | 2  | V.        | S. Erasmo vesc. (Fieste naz. Repub.)  | Q. T.                     |
|   | 3  | S.        | Sante Clotilde regine                 | Q. T.                     |
| ✠ | 4  | <b>D.</b> | <b>SS. Trinitât</b>                   |                           |
|   | 5  | L.        | S. Bonifazi m.                        |                           |
|   | 6  | M.        | B. Beltram patr. di Aquilée           |                           |
|   | 7  | M.        | S. Rupert ab.                         | <i>Ultim quart</i>        |
| ✠ | 8  | <b>J.</b> | <b>Corpus Domini</b>                  |                           |
|   | 9  | V.        | Ss. Prin e Filizian m.                |                           |
|   | 10 | S.        | Sante Margarite regine                |                           |
| ✠ | 11 | <b>D.</b> | <b>S. Barnabe Ap.</b>                 |                           |
|   | 12 | L.        | S. Leon III pape                      |                           |
|   | 13 | M.        | S. Antoni di Padue dot.               |                           |
|   | 14 | M.        | S. Basili vesc. dot.                  |                           |
|   | 15 | J.        | Ss. Vit, Modest e Cressenzie mm.      | <i>Lune gnove di jugn</i> |
|   | 16 | V.        | Fieste dal Cûr di Jesù                |                           |
|   | 17 | S.        | Ss. Ciriache e Mos'cje mm. di Aquilée |                           |
| ✠ | 18 | <b>D.</b> | <b>S. Efrem dot.</b>                  |                           |
|   | 19 | L.        | Ss Gervâs e Protas mm.                |                           |
|   | 20 | M.        | S. Silverio pape m.                   |                           |
|   | 21 | M.        | S. Luîs di Gonzaghe conf.             |                           |
|   | 22 | J.        | S. Nicete vesc. di Aquilée            | <i>Prin quart</i>         |
|   | 23 | V.        | Sante Agripine verg. m.               |                           |
|   | 24 | S.        | S. Zuan Batiste (la Nàssite)          |                           |
| ✠ | 25 | <b>D.</b> | <b>S. Guglielmo ab.</b>               |                           |
|   | 26 | L.        | Ss. Zuan e Pauli mm.                  |                           |
|   | 27 | M.        | S. Ladislao re                        |                           |
|   | 28 | M.        | S. Ireneo vesc.                       |                           |
| ✠ | 29 | <b>J.</b> | <b>Ss. Pieri e Pauli apuestui</b>     | <i>Lune plene</i>         |
|   | 30 | V.        | Memorie di S. Pauli                   |                           |



## Ciante, ciante tu furlane

*Peraulis di Paulin Urbani*

*Musiche di Mario Macchi*

Ciante, ciante tu furlane  
quant che 'l cûr al ti fâs mal:  
se il morôs ti à lassade  
tu lo sas, vai nol val.

Al è miôr butâle in stajare  
s'ciafoiant cussì il dolôr,  
cun t'un ciant e qualche pirule  
sperant simpri a un' altri amôr.

Handwritten musical score for the song "Ciante, ciante tu furlane". The score is written on two systems, each with a treble and bass staff. The key signature is one sharp (F#) and the time signature is 2/4. The first system begins with a tempo marking "Vaiote" and a dynamic marking "p". The lyrics are written below the notes. The second system continues the melody and includes a "ten." (tenuto) marking. The score is written in a cursive, handwritten style.

*Vaiote* *ten*

Cjan - te, cjan - te tu fur - lă - ne  
se' e mo - nos a tiă lă s - sa - de

*ten*

cjan - te, cjan - te tu fur -  
se' e mo - nos a tiă lă s -

1<sup>o</sup> ten. solo  
S'el mo-

la - ne quan ch'el cûr a ti fâs mal  
sa - de tu - lo sas, va - î no'el val

ten rit

nos a ti âl sa - de tu lo sas va - î no'el val

Ah Ah m Ae e

Ah (p) m (p)

stajare

miôr bu - tâ - le in staja - ne tra la la la la la Ae e

Ah tra la la la la la Ae e miôr bu - tâ - le in staja - ne

miôr bu - tâ - le in staja - ne s'iafo - unt cussî do - lor -

Ah tra - la la la la la tra la la Cum tuu

Handwritten musical score for a song. The score is written on two staves. The top staff has a treble clef and the bottom staff has a bass clef. The music is in 4/4 time. The lyrics are written below the staves. The first staff has the lyrics 'la la la cant'um giant e qual-chi pi-ru-le'. The second staff has the lyrics 'giant e qual-chi pi-ru-le mf la la la la la la cant'um'. There are various musical notations including notes, rests, and dynamic markings like 'mf' and 'f'.

la la la cant'um giant e qual-chi pi-ru-le

giant e qual-chi pi-ru-le mf la la la la la la cant'um

A handwritten musical score for a vocal piece titled "L'Amour O li". The music is written on two staves, likely representing a soprano and tenor or alto part. The key signature has one sharp (F#), indicating D major or B minor. The time signature is common time (C). The lyrics are written below the notes. The first staff begins with a treble clef and a key signature change from C to F#. The second staff begins with a bass clef and a key signature change from F# to C. The lyrics include "la la", "spe-ant sim-pa-cial tu amor", "O li", and "ciant e qualchi pi-re-le". There are various musical markings such as accents (^), slurs, and dynamic markings like "mf" and "rit.". The handwriting is in cursive ink on aged paper.

[illegible]

Handwritten musical score for "The Rose Tree". The score is written on two staves. The top staff is in treble clef and the bottom staff is in bass clef. The key signature has one sharp (F#). The melody is written on the top staff, and the bass line is on the bottom staff. The lyrics are written below the staves. The score includes various musical notations such as notes, rests, and dynamic markings like *f* (forte) and *f*<sup>o</sup> (fisthlo). The lyrics are: "The Rose Tree", "The Rose Tree", "The Rose Tree", "The Rose Tree".

Handwritten musical score for "The Rose Tree". The score is written on two staves. The top staff is in treble clef and the bottom staff is in bass clef. The key signature has one sharp (F#). The melody is written on the top staff, and the bass line is on the bottom staff. The lyrics are written below the staves. The score includes various musical notations such as notes, rests, and dynamic markings like *f* (forte) and *f*<sup>o</sup> (fisthlo). The lyrics are: "The Rose Tree", "The Rose Tree", "The Rose Tree", "The Rose Tree".

X colpi di mano, ad libitum



## Gno pari (o cui?)

*Al varà scomenzât ch'o durmivi.  
Cumò al è come un batecûr a fuarl  
(ce mont ch'al vif difûr, in siùm!...).*

*Gno pari (o cui?)  
al bat il falzèt sul di  
— frut cressût 'e svelte  
sentât sul ôr dal pedrât...*

*'E cressin solz e côi  
e un bon odôr di sec  
drenti chel braz di falzèt,  
e medis barlumidis  
cuintri un cîl di lune d'unviâr  
e un'ombre scure di toblât  
cul fen ch'al sburte tai balconi aviart.*

*Gno pari (o cui?)  
al bat il falzèt sul di,  
e l'onze dal batût 'e crès  
d'un'ongule a caputis...*

*Gno pari, sî, al disewe  
di lâ a seâ ta' Ronc!...*

*Te lune bagnade d'unviâr  
medis imbramidis ta' Ronc...  
E seris cui cîi lustris  
di slambris zâi a mont...*

*Vuè za gno pari al sèe  
ta' Ronc a brazzeviarte...  
Cemût? s'al bat il falzèt  
sentât sul ôr dal pedrât?...*

DINO VIRGILI

— Oh, Toni! Bon di!... Ce podino ofrîgi: une tazze di vin o il cafè?

— Eh ben... Intant ch'i spietin il cafè, 'o pues bevi ancje une tazze di vin...



*Jo par duc' clami bondanze,  
e alc di bon puarti ogni dì;  
fin i viei 'e si sgrigliin,  
che pen'avin di muri.*

*Se fà esams 'e jé fadie,  
sot la vampe dal istât,  
no stait fregul disperâsi,  
che daspò ciaparês flât.*

## VII

- 1 S. Fieste dal Prez. Sanc di N. S.
- ✠ 2 D. **Madone de Pâs** (Visitazion)
- 3 L. S. Liodoro vesc. di Altin
- 4 M. S. Uldari vesc.
- 5 M. Sante Filumene verg.
- 6 J. S. Isaie prof.
- 7 V. Ss. Ciril e Metodi apuestui de Slavanie  
*Ultim quart*
- 8 S. Sante Elisabete regine
- ✠ 9 D. **Sante Veroniche**
- 10 L. Sante Rufine e comp. mm.
- 11 M. S. Pio I di Aquilée mart.
- ✠ 12 M. **Ss. Ermàcore e Fartunât** protetôrs dal Friûl
- 13 J. Sagre de Basiliche di Aquilée
- 14 V. S. Buineventure dot.
- 15 S. **Fieste dal Redentôr** *Lune gnove di lui*
- ✠ 16 D. **Madone dal Carmini**
- 17 L. S. Alessi conf.
- 18 M. S. Camil de' Lilles conf.
- 19 M. S. Vizenz de' Pauli conf.
- 20 J. S. Jaroni Emilian conf.
- 21 V. S. Denêl profete *Prin quart*
- 22 S. Sante Marie Madalene penit.
- ✠ 23 D. **S. Apolinâr vesc.**
- 24 L. Sante Cristine verg. m.
- 25 M. S. Jacum apuestul
- 26 M. Sant'Ane mari de Madone
- 27 J. S. Pantaleon miedi
- 28 V. Ss. Nazari e Celso mm.
- 29 S. Sante Marte verg. *Lune plene*
- ✠ 30 D. **S. Rufin mart.**
- 31 L. S. Ignazi di Lojola conf.



## Baronadis

Al è pôc ce di: àncie i fruz di citât, come chei de campagne, 'e fasin lis lôr baronadis. E, qualchi volte, forsît un fregul masse morbinosis.

Ma la colpe, bisugne dîlu, no jé dute lôr. In tes lôr ciasis, soredut in chês dal « centro » dutis ingrumadis une sore che altre, e in tes lôr stradis il soreli al rive si e no; e par chest lôr, nô di frutins 'o vîn simpri odeât l'ombrene, il rumôr des màchinis e dai trams. Jentrant in ciase l'ere squasi come jentrâ in t'une presôn. E par chest, apene che si podeve sbrissâ fûr, vie di corse al giardinut Ricasoli. Lì 'e vignivin, si pô di, duc' i fruz dal borc di Aquilèe, di vie de Pueste, di Plazze, di vie Cavour, di Merciatvieri. Insûmis 'e jèrin duc' dal centro, duc' fis di buïne famèe, nùie ce di. Ma quant che jèrin in masse, mari me judainus! Qualchi volte, po, 'e rivàvin àncie chei di borc Pusquel e di borc dai Roncs; e fintramai chei di borc di Glemone. Alore po 'o scomenzàvin a ticâsi e a remenâsi, e squasi simpri par vie dal borc. E 'o finîvin cun t'une pestade, cussì che la sere si tornave a ciase cu la ciamese sbregade e cun qualchi bernòcul tal ciarnêli. Jo ricuardi che une volte mi àn pocât, biel e vistût, dentri te vas'cie dal Zardin Grant: dome parcè che la me ciase 'e jère dal centro!

Ma, bisugne ricognossi, quant c'ò jèrin di bessoi, senze ché giarnâzzie, nô o jèrin màncul scalmanâz. Di solit si stave al Ricasoli, a zuiâ di « bandière » o di « dame e cavalîr », cu lis frutis ben vistudis e petenadis a puntin. La prime cuète, nol covènte dîlu, la vîn ciapade propri lì. Duc'.

'O compràvin àncie dôs palâncis di caramelis par lôr: caramelis di chês tant bielis, cu la ciarte blâncie rosse e verde, di Colevati. Quatri par un ventin: dôs a ti, dôs a mi, e supâlis planchìn planchìn, cialânsi tai voi. Ce paradîs! Ma qualchi volte al comenzave massime par Giosuè — il guardiàn — l'unfiâr: quant che, stuf e strac di vènus simpri tra i pîs, nus dave l'« ostracismo ». Alore, la sere istesse, 'e vignîve la nestre ore di vendete: la glèrie dai trois, ché bieie blâncie, dute saborade; o lis bancinis voltadis cui pîs par àjar; o bilièz minatoris tacâz sui àrbui. Une volte 'o vîn ciapât une batiade di pûar sior Toni Gasparin, par vie che j vèvin butât jù doi biei rosârs. Dopo, par qualchi setemane, nissun di noaltris si faseve

viodi in zardìn. E alore si lave in cis'ciel, a còrisi daür su e jù pa lis rivis, sfladant e sberlant. Ce partidònis! Di sere po, di estât, si tornave a ciatâsi dopo cene. In che volte 'e vignivin àncie i paris e lis maris a ciapâ une bocciâde di ajarin al ciamput, in vie Dante, dulà che cumò 'e jé la « ciase dal popul ». I vièi si sintàvin lì, su la jarbe, a contâsile; e nò vie a saltâ e a còri come spiritâz. Ma a lis dis in pont, quant che sunave la ciampâne dal cis'ciel, bisugnave tornâ a ciase. Alore duc', omps e fèminis, fruz e frutis, ciantuzzant in coro lis nestris vilotis, plan planchin si tornave. Deventâz pluì grandùz, 'o vîn scomenzât a lâ fûr de citât, a cirî la campagne. E vie alore, d'istât, fin a Sante Catarine, sul Cormôr; jo, c'o jèri pluì pitinìn di chei altris, mi contentavi di lâ a ciapâ gris. E ju tignîvi te me ciamare, in t'une chebute che mi veve comprade me mari in Plazze dal Polàm.

Un Vinars Sant jo e il miò amì Enzo sin lâz, di matine buinore, a fâ une scampagnade des bandis di Trésésin. Ciamîne e ciamîne, nò sintint a sunâ nissune ciampâne, 'o vîn piardude la tramontane. 'O sin rivâz a ciase sot sere, stracs e madûrs, cul cûr sglof e plens di pore. Nol covente dî c'o vîn ciapâde une sope di chês buinis.

Un altre passion al jère il cine. Al Cecchini, ricuardi, si pajave in chei tîmps cinquantecinc centèsis. Si jentrave as dôs, e qualchi volte si finive cul indurmindisi dentri. Lì 'e fasevin simpri robe une vore biele: Tom Mix, Ridolini, Marie Jacobini. A mi e a Enzo nus plaseve cheste morute. E une volte che il so omp la bandonave par un altre, 'o vîn vajût par dute la sere...

Cumò cheste mularie 'e jé cressude. Ognun di nò al à ciapade la so strade. Sin omps sèrios, cumò, cun tant di famée e di fruz. E guài se lôr 'e fâsin baronâdis. Ah, chestis po nò. Ce baronâde il mont!

RINO BORGHELLO

---

Doi alpins, pari e fi. si ciatin a fevelâ su lis gueris:

— Ustu meti la tó (al dis il pari) cu la nestre?...

Intant noaltris 'o vîn vinzût...

Insome no si metevin d'acordo. Finalmentri il fi:

— Vîno di fâ la biele?...

## Masse grazie

In ciase di siôr Pirin 'a fasevin ogni an pa sagre di S. Pieri, che jere la fieste dal Sant dal pais e chè dal paron di ciase, une gran zenone. E sicome che si tratave di une famèe in viste che veve tantis cugnussinzis, 'a rivavin in chè sere une vore di invidâz di ogni bande. Chè zene jere doventade une tradizion.

L'ere gran zefadon, si sa: vignive int da zitât. vignivin parinc', i siôrs dal vizinât; ma s'ore Line, ance se zovine, nassude di famèe nobile, studiade e vignude fûr di colegio pôc prin di maridâsi, 'a jere une parone di ciase come pôcis sioris. e saveve fâsi onôr. Po viodeve il so Pirin cussì content di chè fieste, che sfadiave vultintir par judâ la coghe in cusine a preparâ i plâz plui delicâz e direzi la camarelef e il famei che preparavin e servivin in taule.

Ance chel an veve preparât dut, ma, pûrete, 'a jere ta l'ultin mès e une vore gruessute. Pa ciase 'a si jere sparnizzât un bon profûm di rost, di tortis e di buinis robis, che al faseve vigni l'aghe in bocie; ma je si sintive savoltâ il stomit t'une maniere che Diu nus uardi.

Co stavin preparant la taule, i capite la prime doe, e par no fâ confusion 'a mande di scuindon a clamâ la comari.

Intant 'a scomenzin a capitâ i invidâz, e je 'a sude frêt parzè che lis dois 'a doventin plui fuartis. Si fâs coragio, salude i prin rivâz ma po, zidine zidine, 'e va su ta so ciamare, e prin di là 'i dis t'une orele al so om:

— Sint, Pirin, o ài paûre che dovarês zenâ senze di me. Tu sta jù cu la int e fâs fente di nuie.

— Corpo di bîo — al dis siôr Pirin — 'a no tu pensarâs mingul di fami un regâl par S. Pieri?

— Co Diu al ûl, ve — 'j rispuint jè — sta jù cuiet e ciale ch'al vadi dut ben che l'è dut pront, e lis feminis san za ze che an di fâ.

Lu clamin di ca e di là, e intant a rive la comari cu la so eterne valisute, chè che serf par puartâ i frûz.

Siôr Pirin co 'a la viôt al côr su:

— Pe comari, crodêso propi...?

— Ch'al sinti, suorût benedet — 'j rispuint chè come une dotoresse — lui ch'al vadi jù cui soi invidâz, ch'al mangi, ch'al bevi di gust, che a la so siore 'o pensi jo e,



cun dut il rispiet, che nol stedi vignîmi tai pîs: i umîns  
'e son simpri par intric in chestis fazzendis. Co 'l sarà il  
moment, lu mandarai a clamâ.

Siôr Pirin al torne jû bruntulant pal temperamentat  
da comaris che àn di nassi cun chè prosopopee, e ûlin vè  
simpri trenteun. E za che lui nol pol judâ, ch'al è dut  
pront, che jè l'ore e che duc' son vignûz par mangiâ, 'a  
si sintin atôr da taule. Si sa za che ta zenis furlanis 'a  
no fasin conumie di polèz, frituris, crodighins e bocai di  
vin. Gi àn dit che disore dut al va ben, che prest 'a si  
savarà alc e siôr Pirin al mange e al bêv in aligrie e duc'  
si la gioldin un mont.

Co stan puartant in taule lis tortis, 'a ven une mas-  
sarie su la puarte e sberle:

— Siôr paron, 'a jè nassude une frute!

Duc' fasin evivas, congratulazions, jevin lis tazzis.

— Checo — al gi ordene siôr Pirin emozionât al fa-  
mei — va ta cianive e puarte su une butilie di chel vecio  
speziâl che 'j fasin un biel evive a la mari e a la frute.

Checo al va, al torne, ma àn apene finît di bevi che  
la massarie a torne su la puarte a sberlâ:

— Siôr paron, a jè nassude ancemò une!

Altris evivas, strinzudis di man e strambolòz che si  
capis.

— Checo, va a cioli ancemò une butilie, che 'j fasin  
un evive ance a la seconde.

Tornin a bevi, a ticâ lis tazzis cul pari fortunât, ma  
dopo dis minûz la massarie a torne a spalancâ la puarte  
sberlant:

— Siôr paron, 'a jè nassude une tiarzel!

E cà un coro di maraveis pa nassite di tre zimulis,  
che no covente che us lu disi; e Checo ch'al à ciapât  
gust al domande:

— Voi a cioli ancemò une butilie, siôr paron?

— Po no! spiete, benedet — al gi rispuint siôr Pi-  
rin — ch'o voi su jo a viodi e a falis fermâ. se no, se  
'nin indenànt cussi, chès beadis di feminis mi fasin svue-  
dâ la cantine!

E al côr su imburît a bussâ la so femine e lis tre  
zimulis che, za lavadis e infassadis, cun chès musutis ros-  
sis 'a someavin tre colombis di Pasche prin di là tal fôr.



# AVÒST

*A ogni pome 'o zonti il zùcar,  
lis panolis 'o ingranis,  
'o traplanti verzis, bròcui,  
l'ue, tes strezzis, 'o scuris.*

*Umign, fruz, fantàz e puemis  
mandi in mont a seà fen,  
sù par trois e sù par cretis,  
a tocià squasi il serèn.*

## VIII

- 1 M. Lis ciadenis di S. Pieri
- 2 M. S. Alfons de' Liguori vesc. dot.
- 3 J. Sante Lidie
- 4 V. S. Domeni conf.
- 5 S. Madone de Nêf

*Ultim quart*

- ✠ 6 D. **Trasfigurazion di N. S.**
- 7 L. S. Gaetan conf.
- 8 M. S. Ciriaco e comp. m.
- 9 M. S. Zuan Marie curât di Ars
- 10 J. S. Laurinz m.
- 11 V. Ss. Tiburzi e Susane mm.
- 12 S. Sante Clare di Assisi v.

- ✠ 13 D. **S. Ipolit m.** *Lune gnove d'Avost*
- 14 L. S. Eusebi conf.
- 15 M. **L'Assunte** (Madone d'avost)
- 16 M. S. Roc conf.
- 17 J. S. Gjâzint conf.
- 18 V. S. Eline imperat.
- 19 S. P. Zuan Eudes conf.

- ✠ 20 D. **S. Bernart ab. e dot.** *Prin quart*
- 21 L. S. Donât e comp. m. protetors di Cividât
- 22 M. Fieste dal Cûr di Marie v.
- 23 M. S. Filîp Benizi conf.
- 24 J. S. Bartolomeo apuestul
- 25 V. S. Luduî re di Franze
- 26 S. S. Zefirîn pape

- ✠ 27 D. **S. Josef Calasanzi conf.** *Lune plene*
- 28 L. S. Agustin vese e dot.
- 29 M. S. Zuan decolât
- 30 M. S. Rose da Lime v.
- 31 J. S. Raimont conf.



## Lis tribulazións di un púar cialiâr

Tal 1945 un Zef Rodeàn di Alnì al mi à detade la poesie furlane milude cà sot, siguranmi di vèle viodude stampade sun t'un sfuèi un cinquante ains indaûr.

La robe 'e interesse come document de vite artisane nostrane, tor la fin dal votcènt, e un pôc ance par chel alc di bon che si pò ciatâi come poesie.

No savin cui che le vebi scrite: podin nome di che tal ultin quart dal secul passât, 'e son stâz stampâz a Udin une vore di chesc' *fogli volanti* popolârs, cun poesiis furlanis. And'è di un Antonio Flora barbîr; di un Policarpo di Bert di Cis'ciel di Porpet, puarteletaris a Udin; di un Pieri Savi clamât Velèn, barbîr, nassût a S. Denêl, e infin di un Virginio Colmegna, stampadôr a Udin.

Il Flora, in t'une robute intitolade « Lis bigatis di Moreli » (publicade in tal *foglio volante*: Il Rangotan - Udin, Antonio Flora gerente responsabile, Stamparie economiche, 25 marz 1894), al ripuarte dôs vilotis che al dis fatis da « un devôt a san Grispin improvisadôr di canzonetis », che al podarès ance jessi l'autôr di cheste poesie ch'o metin ca sot; e si pò zontà ance che il mût che jé scrite al ricuarde chel dal Di Bert.

La Biblioteche Comunâl di Udin and'â tirâz dongie avonde di chesc' sfueûz cun poesiis furlanis. Il so bibliotecari, dotor Corgnali, cu la solite gentilezze, m'ai à faz viodi, e al mi à dadis ance notizis sù autòrs, e jo lu ringrazi.

I lavòrs di cheste int e' rapresentin une produziòn « popolareggiante » che à il so interès e che merète di sei studiade. E al sarès di augurasi che fra chei che viodaràn chest « Strolc », qualchidun al podès dînus alc di chesc' popolâns che àn scrit in poesie, e che, fin cumò, no son stâz badâz di nissun, ma che invezit, par ciàrz riuarz, e' meretarèssin di sei ciolz in consideraziòn.

G. PERUSINI

*Cà si è al travai,  
si peste, si dâi,  
lavor a slavin  
di grues e di fin,  
scarpins di brumèl,  
stivai di vidiel,  
suelis, tacs, tacòns,  
blecs e pons*

e altre ciavatarie  
che ven di fur vie.  
Siore Mariane,  
un pâr di mulòs,  
ciavatis un cos  
di ripieciâ,  
di taconâ;  
dut va ben,  
dut farai,  
a dilu in plen  
jò bes nond'ài.  
Su prest, muîr,  
ciol su il cialdir  
e l'altri ram:  
mi ocor coream  
di lâ a comprâ  
par lavorâ,  
che jè premure  
pe sueladure  
di fa daurmân.  
Par Menie in Gracian,  
co mi met,  
i tachi sol  
fin miezegnot;  
co ài finît,  
dut stabilit  
il miò lavôr,  
prest 'o côr  
a puartâ vie  
a siore Marie:  
'e mi dis so agne  
che 'e jè lade in campagne.  
'O voi di Gabrièl  
cun ghetis di vidiel:  
ance chel disint « nond'ài,  
in brêf ti paiarai »;  
'o voi là di Alnît  
ance chel disint « nond'ài  
parcè 'o ài paat l'asît »,  
e altris di lôr  
nance l'odôr...  
Tas, ch'o sin viei;  
nuie di miei:  
darin un sclop  
che nol larà vie trop.

## Domande

*Pôc disòt di Fontanebuine  
tu sàs, a ret di Luvignà,  
un sidùt al pâr fat di pueste,  
di pueste par morosà.*

*In te biele stagion la cleve,  
d'insomp fin dabàs sul Cormôr,  
vie pe boschete, 'e jé un sotpuarti  
sot i ramàz duc' in flôr.*

*Dapît di un clap, a mieze cueste,  
al nàs un riulùt e al discòr  
al discòr, murmujaànt di vene,  
cui olnàrs che 'i stan infôr.*

*E intôr 'i rispuint pes ciarandis,  
'i rispuint un ghee ghee ghee ghee,  
un cip cip cip, un cù cù,  
un cincimbee cincimbee;*

*di trat in trat, il rusignûl  
e l'istès di une sclopetade,  
al jemple di une gran zornade  
glorïose l'ombrenûl...*

*O Nene, sint: no ti ricuardistu  
plui, al viarzisi de stagion,  
no ti ricuardistu plui, Nene,  
il paradìs dal Citòn?*

*Sin lâz ognùn pe nestre strade,  
dopo; e tanc' agn 'e son passâz.  
Intànt senze sparàgn la vite  
nus à dabòn masanâz.*



*Ogni dì la so angosse, ogni ore  
la so misérie e il so malàn:  
lis stelis sì son distudadis,  
no si viôt lûs di domàn.*

*Jo mi ricuardi de fontane  
e di chel timp beat. Epûr...  
par vivi ancimò cheste vile,  
tu, tornarestu indaûr?...*

ERCOLE CARLETTI

## Òres di gnot

*Il cîl al supe su  
l'ultime lûs  
lajù  
viers il soreli a mont  
e il scûr  
al strenz ogni forme,  
e ogni cûr.  
Il frut al duâr;  
tu tu veglis  
sul to lavôr,  
sot il cîl  
sierât  
dei toi pinsîrs.  
Il clar dal lusôr  
al treme  
su lis tos mans,  
blancis paveis,  
su le tele  
floride di pons,  
su flors che si vierzin  
ben planc  
tes ores de gnot.*

MARIE FORTE



*Il soreli al fâs la volte  
viars l'autùn, c'al ven di trot;  
e tai boscs e tes ciarandis  
si misclizze il vert cul ròs.*

*Ma jo us puarti la vendeme,  
la gran sagne de stagion.  
Sù, ciantail, di strezze in strezze:  
simpri legris! mai passion!*

# IX

	1	V.	S. Gidio ab.	
	2	S.	S. Stièfin re di Ongjarie	
✠	3	D.	<b>Ss. Eufemie e comp. mm. di Aquilée</b>	
	4	L.	S. Mosè prof	<i>Ultim quart</i>
	5	M.	S. Laurinz Justinian patr. di Vignesie	
	6	M.	S. Zacarie profete	
	7	J.	S. Anastasi m. di Aquilée	
✠	8	V.	<b>Nassite de Madone</b> (Madone di Setembar)	
	9	S.	S. Gorgòn m.	
✠	10	D.	<b>S. Nicolò di Tolentin conf.</b>	
	11	L.	S. Emilian vesc.	
	12	M.	<b>Fieste dal Non di Marie</b>	<i>Lune gnove di set.</i>
	13	M.	S. Aloï vesc.	
	14	J.	<b>Esaltazion de Sante Cròs</b>	
	15	V.	<b>Madone Dolorade</b>	
	16	S.	S. Corneli pape	
✠	17	D.	<b>Lis plais di S. Francesc</b>	
	18	L.	S. Josèf di Cupertin conf.	
	19	M.	S. Zenâr vesc.	
	20	M.	S. Eustachi e comp. mm.	Q. T.
	21	J.	S. Mateu apuest. e vanzelist	
	22	V.	S. Tomàs di Vilegnove conf.	Q. T.
	23	S.	S. Lin pape	Q. T.
✠	24	D.	<b>Madone de Mercede</b>	
	25	L.	Sante Aurelie v. m.	
	26	M.	Ss. Ciprian e Justine	<i>Lune plene</i>
	27	M.	Ss. Cuèsim e Damian miedis	
	28	J.	Venceslàu duche di Boemie, m.	
	29	V.	S. Michêl arcagnul	
	30	S.	S. Jaroni dot.	



## Lu Dante

*Maestri* — Oh! bon dì po. Vigi, cemûta la vòia?

*Vigi* — Bon ben jo, gràzia, e ûa professûar? Fàiza scuela ta citât das âgas?

*Maestri* — Po scè scî, jo ve'. Vigi, mi tòcia simpri scombati cun chê crima a mi, ve'; i' fâs propi la pinitinza in chest mont jo, ve' — E tu ce libris lêistu cumò?

*Vigi* — I torni a léi lu Dante, jo cumò.

*Nondo* — O, ce sant èizal chel?

*Vigi* — Chel vidîza, Nondo, al era un omp. al meretava propri santificât, e nûa lu si davarés venerâlu. Inma-ginaisi, Nondo. cu a nûf ans, lui al ve' còur, di scrivi una poesia a so puemuta.

*Nondo* — Ce rûba vèvial scrit?

*Vigi* — Una poesia 'a ven a stâi, diceva, coma strofes, canfets o raganizzas, fanicònt, diceva, come: Pange lingua gloriosi, - l'Ave Maria Stela, - chi sintis spes a ciantâ ta glîzia, o coma: la Vispa Tereza, c'ai rècita ju fruts tas scuelas e cu ûa 'i podîas sinti stant in ciazza.

*Nondo* — Ce tanc' ans vîza det c'al veva?

*Vigi* — Noma nûf...

*Nondo* — Sozzàt, vergognozàt, a chê etât al veva chei pensieràts tal ciâf?

BEPO RUPIL

## Il fi sôl

### 1.

*La fumate 'e sapulîs la Plêf  
la slontane tun timp dismenteât.  
Dulà finlssie po' la rive grîvie  
di Sante Margarite di Gruagnins?  
Mi fermi lassù tal segrât  
cu la sagrestie in fûr  
dal mûr tal vert dal prât.  
E frut 'o zui, 'o còr, 'o ril.  
Par sei frut bigne sufri...*

## 2.

Vuè al resìne, 'e son i Sanz.  
 Il puarti scûr. Ma doman  
 l'astât di San Martin al lûs par entri.  
 Pai vîs che cjantin là drenti  
 lis rèquis tal gjespui di muart.  
 Il puarti scûr. 'O ài pôre!

## 3.

O puarti di sècui  
 fermiti un moment te fumate.  
 Cussì. Ché linde sdenteade,  
 chel piûl sot dal mûr sgridelit!...  
 Un moment. Te fumate.  
 Tâs, ch'o sint tes brèis un sgrisul  
 come sveâsi ben tal bosc  
 su la palût suturene lì daûr.  
 E la linde disfâsi... O tiare nere  
 vive dal cjamp dapît.  
 Ce cjosse un marilamp tornâ indaûr!...

## 4.

E prâz. Cu lis rosutis su la roe  
 lajù dabàs difûr...  
 E nîz recamâz di soreli.  
 Partiare il pàs sul dâr.  
 Quant cjaminâvio jò pal prât?  
 'O sintivi la tiare tai pîz.  
 'O nulivi il fen vîf, lis rosis...

## 5.

O miei muarz dongje l'altris!  
 'E cjantin vie pal malincûr de sere  
 cul voli studât e il lami  
 d'un'albe tun sun d'angunie.  
 Une femine gruesse 'e sfladasse  
 sul lâ a mont sot i pôi imbambiniz  
 ineâz tal sanc a slas dal cîl.  
 Lôr mari... Me mari prin ch'o nassi  
 cul zercli in-sot tai calamârs...

## 6.

O mari parcè ti viodio prin di nassi  
 e dopo muart sapulit?  
 'O cjamini cul to pîl,  
 'o viôt cui tiei vôi lustris,  
 'o sint cu la to orele tai cjavêi...  
 No ài nuje di gno.  
 Lassimi vivi cun te cussl.  
 Vif tu par me ancjemò.  
 Par ducjdoi...  
 Vê une mari, Signôr, al è un meracul

## 7.

Alore 'o cjantran insieme  
 jù pe rive grande tal soreli  
 di San Martìn tornât.  
 Nassût, no di nassi!  
 Chel frutazzât ledrôs  
 che la faseve disperâ di gnot  
 cu la muse platade tal linzûl.  
 Chel biel fi sôl  
 che la faseve consolâ tal curtil  
 cu la muse bussate di soreli.

## 8.

Cjasis sapulidis te fumate:  
 Sarsêt, Toreàn, Martignà...  
 'O sai: si volte propit li des cjasis  
 te fumate che bigne indivinâ.  
 Dôi balcon piâz dongje il morâr...  
 Qualchidun al vîf. Vadì ch'al vîf  
 in ta ches' siaraj grivi di fumate  
 che smarìs lis liniis dai cjasâi.  
 Jò 'o vîf. 'O sint il cjalt di une bussade.  
 'O soi vîf. Cun me mari. Vîf. Pensàit...

DINO VIRGILI



## La sere dai muars

*Benedes i nestris muars!  
Sot la pâs de sacre tiere  
àn cun sé chei bieì ricuars  
e ju contin chiste sere.*

*Sagre sante di dolôr,  
luminarie di passion!  
Oh, prejere come un flôr,  
fas che il viv deventi bon!*

*Là in te ciase cidinute  
vegle meste la famèe:  
— Requie eterna — e intant la frute:  
— Ciale Gino ch'a no 'l prèe! —*

*Gino plet sul fogolâr  
sa che in cite si sbalotin  
lis ciastinis cu l'orâr  
tant l'è vèr che za borbotin.*

*— Requie eterna — e intant la none  
juste il fûc cu la so man  
blancie e sute, e in te corone  
treme il dèl e salte un gran.*

GUIDO CUDIN

## Il papavar

*Mi sòì sentât parciera, tal gno ciamp,  
e 'i ài ciapât in man un gros papavar  
ciamò siarât tal siò flascût di fueis,  
vert e pelôs.  
'I ài fal un tai in crôs  
e, planc planìn,  
'i ài tirât fûr un biel fazzoletin  
ròs inflamât.  
Il còr al mi à ridûl  
come a un frutìn.*

MARIO ARGANTE



*Il soreli al s'ciampe vie,  
e par dàì l'ultim salùt  
ogni fieste si fâs sagre  
cu' l'armoniche e il vin gnûf...*

*Je scurlade la chiavezze  
dal bon timp ance ai scuèlârs:  
jo ju torni a mandà a scuele  
plui contènz e plui gaiàrz.*

# X

- |   |    |   |                             |
|---|----|---|-----------------------------|
| ✠ | 1  | <b>D. Madone dal Rosari</b>                 |                             |
|   | 2  | L. Sans Agnui Custodis                      |                             |
|   | 3  | M. Sante Taresine dal B G.                  | <i>Ultim quart</i>          |
|   | 4  | M. S. Francesc di Assisi protetôr d' Italie |                             |
|   | 5  | J. Sante Flavie m.                          |                             |
|   | 6  | V. Brunon conf.                             |                             |
|   | 7  | S. Sante Justine verg. e m. di Padue        |                             |
| ✠ | 8  | <b>D. Sante Brigide ved.</b>                |                             |
|   | 9  | L. S. Dionis areop. vesc. e m.              |                             |
|   | 10 | M. S. Francesc Borgia conf.                 |                             |
|   | 11 | M. <b>Maternitât de Madone</b>              | <i>Lune gnove di otubar</i> |
|   | 12 | J. S. Serafin conf.                         |                             |
|   | 13 | V. S. Eduart. re d' Inghiltere              |                             |
|   | 14 | S. S. Calisto pape e m.                     |                             |
| ✠ | 15 | <b>D. Sante Taresie di Avile v.</b>         |                             |
|   | 16 | L. S. Edvige di Polonie ved.                |                             |
|   | 17 | M. Sante Margarite M. Alacoque v.           |                             |
|   | 18 | M. S. Luche vanzelist                       | <i>Prin quart</i>           |
|   | 19 | J. S. Pieri di Alcântare conf.              |                             |
|   | 20 | V. S. Zuan di Kent conf.                    |                             |
|   | 21 | S. Sante Ursule e comp. mm.                 |                             |
| ✠ | 22 | <b>D. Sante Alodie e comp. mm.</b>          |                             |
|   | 23 | L. S. Severin vesc.                         |                             |
|   | 24 | M. S. Rafael arcagnul                       |                             |
|   | 25 | M. S. Crispin m.                            |                             |
|   | 26 | J. <b>Madone de Graziis</b>                 | <i>Lune plene</i>           |
|   | 27 | V. S. Elesban negus di Abissinie            |                             |
|   | 28 | S. Ss. Simon e Jude apuestui                |                             |
| ✠ | 29 | <b>D. Fieste di J. Crist Re</b>             |                             |
|   | 30 | L. B. Benvignude Bojane di Cividât          |                             |
|   | 31 | M. S. Bulfon (Wolfgang) vesc.               |                             |



## Il plevàn e la stàjara

Me missèr pari jara stàt tal sessantesinc zovin di butega cà di sior Bepo Tolloi. a Flumizèl.

Sior Bepo, che mi ricuardi anci jo di velu viodùt co' jari frut a ciazza nostra a Gurizza, jara stàt par me puòr pari un bon paròn, di chei a l'antiga che mandavin i garzòns a preà in glèzia, invessi di daigi qualchi lavòr tal timp da la funzion che la butega, secònt la vècia usanza, restava siarada.

Me defònt pari dùncia, jara làt, una domènia di carnavàl, comi il solit in glèzia.

Il plevàn, dopo il vanzeli, si veva mitùt a predicià devant l'altàr sul gran peciàt c'al fas cui ca 'l bala a la moderna.

« Ciàrs miei parocians » — veva scomenzàt a dì il plevàn — « jo soi una vora malcontent di vualtris par un oròr, che dèf vè prest la so fin!

« Ricuardaisi ben che i flagei che nestri Signòr nus manda, di qualchi timp in cà, nus vegnin par via dal bal.

« Si, duc' i mai nus càpitin par via dai bai modernos, o parocians, par colpa di chei malandrèz: cola dal zil la tampièsta, ven la sicura che nus puarta via l'antrada, nus ciapa la pelagra, nus càpita la fiera a fanus bati i dinc', ven la miseria, nassin li' discordis tra la int, ven il diaul pa lis fameis e dut, dut, solamentri, par vie dal bal!

« Ancia la Madona e Sant' Juzèf balavin » e il plevàn stant devant l'altàr, si veva ciapàt sù la tònica cu' li' pontis dai dèz e si veva mitùt a balà e fa compliment, comi chi si usa tal bal da stàjara « ma lòr balavin cun gràzia, fazint: zin, zin, di cà, zin, zin, di là... comi chi viodèzo fa a mè.

« Ma vualtris, bruz bestions, tai vuestri bai modernos, fazezo: zon, zon e zon, zon... ora di cà, ora di là, senza nissùn riguart e senza buna maniera!

« Ma no basta ancimò. Li' fantatis vadin al bal cun tant di flòr mitùt tal sen » — e il plevàn mostrava la grandezza cu' li' mans — « e i fantàz, bruz svergonzòs, ulin sucaigilu fur par fuarza, cun grant scàndul di chei che stan cialà balà fur dal breàr!

« E po uarezo che nestri Signòr nus dei dal ben? A, no la fè, che no 'l è pussibil spietà dal ben, se no tornaizo a l'usanza di una volta, se no tornaizo a balà la stàjara »!

Benedèt plevàn! Se a 'l dizarès po dai bai di uè? \

RANIERI MARIO COSSÀR

## Un raj rampit

*Un raj rampit di luna  
al incorona i vuj al me frut  
stasera.  
Siminsa di coraj dal seil 'a colin  
ta l'aga amara dai so vuj.*

*Freidis violis tal seil,  
sercli di freidis violis ator la luna  
e pì lontan tal seil  
margaritis a fan fiesta.*

NICO NALDINI

## Tra il seil e la cera

*Ta un flat rosa 'a si cunsuma  
tai orts la sera.  
L'aga verda da l'erba  
di cujera in cujera  
'a ven ta la sera  
dal mar pì scur da li montagnis.  
Ta chista ora di suris, di sigus  
tra il seil e la cera.*

NICO NALDINI

## Ta li seis indojadis

*Ator dal so cuarp l'aria 'a trima  
ta li seis indojadis dal dì.  
A zemin i flours ta ché aria  
e li paveis ta un sun di amour.*

NICO NALDINI

## La liende de ciase

'E jé inciante emade l'ore  
ai pîs dal colisèl.  
In te fumate  
grande brusade sdrumade  
si viôt e no si viôt la ciase  
cul cîl in tai balcòns.  
Te fontane disfate  
aghe cole ta l'aghe,  
e il dî che al mûr  
al ciente par so cont l'avemarie  
che dal tôr cidinât plui no ven fûr.

Cheste 'e jé l'ore, l'ore de liende  
'e jé l'ore de ciase.  
Nuje plui nol si môf  
che alî nol è plui nuje,  
ma un'anime 'e passe  
tal uett,  
'e va  
par ciâmaris che no son,  
cialânt par ogni buse  
là che al ere un balcòn,  
cirînt senze padîn.  
E un svol ance al è  
tal bombâs de fumate:  
apene apene, jo che 'o sai, lu sint.  
Al va e al va un ucêl  
cuintri là,  
ma plui nol po', —  
batînt sui veris che no son,  
clamâ.

In ta chel timp che il lûc  
al platave te pàs la nestre vite,  
tra sere e gnot lis puartis  
si viarzevin a planc.  
Si diseve: « Al è Lui ».  
I scûrs si spalancavin:  
« Al ciale jû sul prât  
dulà che je 'e spielave  
in tal timp che vivevin,  
e tra prât e balcòn  
si incrosavin i siûms ».



E sul veri de s'ciale  
le ombrene dal rosâr  
un ucêl al sbateve  
al sbateve cul ciâf.  
Pareve che al clamàs,  
ma lui nol podeve capi  
dul e sol aromai  
in chel cîri.

Al ere fer ta l'aiar  
un inciànt di liende:  
un cîrî senze ciatâ  
un clamâ che nol ere scollât  
e chel simpri tornâ,  
simpri sperâ.

E dentrivie ognidûn  
si clamave o al cirive  
chel che par vivi  
si à bisugne di viòdisi denànt.

Fate, disfate la ciase,  
po' tornade a sdrumâ,  
tra dôs gueris jemplade  
dal cianl di fâ sù,  
'e à vude la grazie  
dal fil d'aur di une storie;  
un fil,  
ma sun chel  
— corone di rosari senze fin —  
'e si son ingropâs i tîmps,  
si è sgrarade la vite.

Al à slusît come une glagn di lune  
tes seris che savevin  
di fen e flôr di ûe;  
alc di nô,  
tra falis'cis e jun, al à lampât  
tal sivilâ dal fâc e il sdrumâsi dal lûc.  
Ancemò, simpri:  
su pîr o angosse  
chel cîrî nol si ferme,  
chel clamâ nol si bone:  
al è un fil di speranze,  
al ten dute la ciase  
cumò che no jé plui.

LEA D' ORLANDI



*Jé une gran malincunie  
marcià incuintri dal unviar;  
ma jo us clami, daspò cene,  
duc' atôr dal fogolâr,*

*e us prepari, al clar de flame,  
lis ciastinis e il vin blanc...  
e che fur sofli la buere,  
sbridinànt e businànt.*

# XI

- |   |    |    |   |                           |
|---|----|----|---|---------------------------|
| ✠ | 1  | M. | <b>Fieste di duc' i Sans</b>  |                           |
|   | 2  | J. | Memorie dai Fedei Defònz  | <i>Ultim quart</i>        |
|   | 3  | V. | S. Just m.  |                           |
|   | 4  | S. | S. Carlo Boromeo vesc.  |                           |
| ✠ | 5  | D. | <b>S. Zacarie Pari di S. Zuan B.</b>                                |                           |
|   | 6  | L. | S. Lenart conf.   |                           |
|   | 7  | M. | S. Erculan vesc.  |                           |
|   | 8  | M. | S. Claudio e comp. m.   |                           |
|   | 9  | J. | S. Teodoro sold. m.   |                           |
|   | 10 | V. | S. Andrée Avelin predi  | <i>Lune gnove di nov.</i> |
|   | 11 | S. | S. Martin vesc.   |                           |
| ✠ | 12 | D. | <b>S. Martin pape</b>   |                           |
|   | 13 | L. | S. Djego (Didaco) conf.   |                           |
|   | 14 | M. | S. Josafât vesc. m.   |                           |
|   | 15 | M. | S. Albert il grant dot.   |                           |
|   | 16 | J. | Sante Gjertrude verg.   |                           |
|   | 17 | V. | S. Grivôr Taumature vesc  | <i>Prin quart</i>         |
|   | 18 | S. | S. Roman m.   |                           |
| ✠ | 19 | D. | <b>Sagre di dutis lis Glesis<br/>consacradis da Diocesi di Udin</b> |                           |
|   | 20 | L. | Sante Lisabete  |                           |
|   | 21 | M. | <b>Madone de Salût</b>  |                           |
|   | 22 | M. | Sante Cecilie v. m.   |                           |
|   | 23 | J. | S. Clement pape   |                           |
|   | 24 | V. | S. Grisogono di Aquilée m.  | <i>Lune plene</i>         |
|   | 25 | S. | Sante Catarine verg. m.   |                           |
| ✠ | 26 | D. | <b>S. Silviestri ab.</b>  |                           |
|   | 27 | L. | S. Valerian vesc.   |                           |
|   | 28 | M. | S. Mansuet vesc.  |                           |
|   | 29 | M. | S. Saturnin vesc di Aquilée   |                           |
|   | 30 | J. | S. Andrée apuestul  |                           |



## Il Pari Eterno

L'orchestre di bal dal mestri Sussulig 'e ere, za cinquant'agn, la plui nomenade di dute la Furlanie. Il famôs viulîn dal Mestri, il clarinèt dal barbîr Pian, la viole di Titeti cialderâr, il bombardin di Jacum Cataneo, il lirôn dal Pari Eterno, 'e vevin la virtût màgiche di fá diventá maz i vîs e resuscitá i muarz. Cui varès pudût resisti al invît delicât del viulîn dal Mestri, di chel viulîn zentil che 'i lave zisicânt tes orelis des frutis?

— Ninine, prepariti; no tu viodis il moro che 'l ti fâs di voli, che 'l ven a ciolti sù? Cui no si sarès mot a lis rugnadis dal lirôn dal Pari Eterno, a chel vosón ruspi, che 'l pocave par daûr i fantâz, che ju sburtave sul breâr tontonânt.

— Sù po, mòviti, bocón di basoâl: la bionde ti spietel!

E 'l Pari Eterno, dal alt de orchestre, al dominave dute la sdrume dei balarîns che 'l so lirôn meteve in moto, e, sebèn che nol fos plui zovin di prin pèl, tra une arcade e ché altre, si complaseve di smirâ qualchi biele fantazzine che si nizzulave sul breâr.

Si pò ben vè la coze spelade, la barbe grise, ma il cûr, chel benedèt di cûr, el si ustine a restá... soranèl, àncie co 'l è vieli, no îse vere?

Parzè che il nestri sunadôr el veve propri la coze spelade e lusint come une bale di biliart, cun l'une corone di chiavei jù pe cope e un barbón grîs e lunc fin a miez il pet, tan che la int lu veve batiât par « Pari Eterno »; difati el someave dut il ritrât dal Creatôr come che lu piturin su la Stòrie dal antic Testamènt co 'l ere indafarât a impastaná il mont.

Omp ingegnôs, el tociave cun grâzie il viulîn, el tichignave sul piano, el s'inzeugnave sul òrghino, el pestave il tamburôn te bande comunâl, ma la so art soprafine 'e ere riservade naturalmentri al lirôn. Par jessi sigûr de note, el veve mitût in prâtiche un so sisteme spezial, di inclaudá sul mani dal strumènt des brucis di letón che segnavin la posizion in dulà che 'l doveva pojá i dèz.

A proposit di cheste so invenzion, dovès savé che une di un biel tipo, par petá la ridade, si è pensât di mòvigi

di puest dutis lis famosis brucis. Figuraisi ze ire di D'ò la sere co l'orchestre 'e scomenzà a sunà e il Pari Eterno, che nol si ere inacuart dal truc, al pojà la zate sul mani dal strumènt! Une stonazion danade...! Ma lui, convint di essi tal just, a lis rimostranzis dal mestri diretôr d'orchestre, el rispuindeve mostrànt cun pompe il mani imbruciât e tontonànt a chei altris sunadôrs: — Mussàz, 'e sês voaltris che stonais...; la brùcie no fale!

\* \* \*

Amànt des invenziions e dal progrès, el veve fabricât di bessôl un velocipit di tre ruedis, un ver monumènt dut di len, providût di un slaif fat cun t'un toc di cuarde di lirón. El sudave un pâr di ciamesis a meti in moto chest argàgn, el coreve tan che un ciavâl di nauli, el faseve un tâl sunsûr sul concolât che si lu sintive miezé mie lontàn. La int, curiose, 'e vignive su la puarte di ciase. la canae 'i coreve daûr, e lui el marciave, plen di braure, dret sul so ciarugèl tan che Giulio Zesar co 'l entrave a Rome sul ciar trionfâl.

Bandonât il velocipit di len, si tacà a la biciclete. El lave indenànt planchìn planchìn, cun precauzion, cu' l'ombrene viarte par parâsi de ploe, cul ombrenin co 'l ere soreli, e, ogni tant, ciariât d'imprès'e di ogni stamp, pajóns, latis di petròlio, filzadis, cialdèriis, stiis di uziel, come in ché volte che 'l cambià di ciase.

Fi di un orloiâr, al tignive in mostre tel tinèl un grum di orlois antics, di ogni qualitât, piciâz sul mûr, sparnizzâs su la taule, sul armâr, e po montagnis di ciartis, doi tre letorins di mùsiche, un piano cun t'une code lùngie lùngie, une crepe di muart che cialave di neri traviars lis busis ueidis dai voi, il ritrât dal mestri Tomadin cun tant di ociai, un armònio neri e scrufuit, une pantiane imbal-samade cu' la code impicutide, quatri ciadreis dai tims di Gisulfo, sul balcòn une tindine smamide, e polver sui armârs, polver sui quadris, su la ciampane dal petròlio, polver su la crepe di muart.

Stravagànt, el veve une raccolte, pôc legre, di avis mortuaris e, precursôr de statistiche, el tignive note di duc' i bai sunâz in vite su la sale de « Ciampane » e tes sagris, e 'l segnave cun diligenze su la ciarte de mùsiche che 'l stave copiant i câs de zornade e 'l stât dal timp.

« 17 gennaio 1893, festa di S. Antonio. Freddo e bora.

Questa mattina è morto in duomo mio padre, di un colpo, di anni 85. Fece la morte del santo ».

Cheste, une des sos notis sun t'une part di viulin in somp di un valzer di Strauss.

Cussì il Pari Eterno, te so semplicità, senza tantis zerimòniis, el cumbinave che la Muart e la Vile, a son di mùsiche, si dessin la man...!

BEPO MARION

## Il telegram

Tal lontan mès di lui dal 1904, in tal miò pais al veve di rivà il ministro des puestis: veramenti al veve nome di passà.

Granc' preparatifs: 'e àn dât di blanc es' scuelis, 'e latarie e al municipi vecio. Il dì che al doveva passà il ministro, sindic, giunta, scuelârs e mestris, bande, prè-sàns un grum, van a spietà fur dal pais il grant personaggio. Vevin preparat 'ne taule plene di ogni ben di Dio: salam, persùt, pan fat in ciase, vin verdutz, frambui, bire e... aghe fres'cie che no l'ocor dì.

Cialt di sclopà al ere ancie: dute le int e à spietat fintramai dopo miezdì: il ministro nol rivave mai. I fruz, stracs, si bulavin par tiere e i sunadors apene ch'a viodevin in fons al stradon un pôc di polvar e scomenzavin la marcio real: tararà, tararà, tararà! Po s'inacuarzevin ch'al ere un mus cu la carete.

Intant i prins dal pais e altris magnacui, insieme a chei de bande, e an fat fûr dut ce ch'el ere stât preparât su la taule: il ministro nol rivave mai!

Finalmentri al capite il cursôr comunai, dut sfladât, a puartà un telegram al sindic, ch'al ere impressionât parcè che il personaggio nol rivave mai. Il sindic, un venezian, ch'al veve tante di fasce tricolor tôr de panze, al vierz il telegram, lu lei, al dà 'ne tirade di voi, e pò al dis: « Maria Verzene, el 'se cascà in acqua »!

Il telegram al diseve propit cussì:

« Ministro precipitato Tagliamento; sperosi pescare cadavere Latisana. Avvertirossi quando funerali ».

Al ere un scherz fat da un mataran.

Il ministro al è rivat pôc dopo; nol è stât pussibil offrii nuje: dut l'ere stat bevût e mangiât!

TONI FALESCHINI



## Parcè che 'l mus al à chel tratament c' al merte.

Sul lâ a mont il soreli, la Madone 'e veve finit apene di fassâ il so Bambin e pojâlu tal traseif, parsore un grumùt di pâe, che capitarin te stale. come 'l lôr solit, il manz e il mus.

La Madone si metè svelte a parà dôngie, t'un ciantòn, un pâr di brazzadis di fen par che lis bèstiis 'e vessin vût il lôr passòn senze disturbâ il Frutìn ch'al durmive strinzint lis manutis.

Passûs che forin, il manz si pognè par tiare runiànt cujèt: il mus, invessit, ch'al veve lampade chê grampe di pâe tal traseif, ingòrt al si fasè dôngie dal Bambin. E za al stave lui slungiànt il so music, quan' che la Madone, propit rabiade. 'I disè:

— Vle di lì tu, briconàt senze cûr! Ciale 'l to compain mo, ce ch'al rumie pacific e cussì al fasarà in vite sò... Tu mussât, cause la to ingordàgine senze rispièt, no tu varàs mai avonde di ce pàssiti, e la int no si stufarà mai di ciariati di pês e di legnadis...

E cun chês peràulis al fo segnât, par simpri, il destin ingrât dal mus.

RINALDO VIDONI

## No puès fregul rassegnami...

*No puès fregul rassegnami  
che 'l miò ben no lè tornât...  
ze mi zòvie di vailu  
co 'l Signòr l'à destinât!*

*Sot la gnot, che mi zimie,  
mi soleve da une crôs...  
Ogni stele, che mi ciale,  
l'è un salût dal miò morôs.*

*Saludailu vo, stelutis,  
saludailu vo 'l miò ben...  
se jò vivi e inmò no muri  
l'è l'amòr, che 'l mi sostèn.*

TITE DI SANDRI



*E la buere che masane  
gnot e di nulate e frêt,  
pal sigùr no nus sparagne  
di butàsi prest in nêf...*

*Qualchi stele che cimie,  
un biel zoc suc ciavedàl,  
dentri i cûrs une speranze:  
jé la sere di Nadàl.*

## XII

	1	V.	Sante Nadalie m.	<i>Ultim quart</i>
	2	S.	S. Cromazi vesc. di Aquilée	
✠	3	D.	<b>Prime d'Avent</b>	
	4	L.	Sante Barbure v. m.	
	5	M.	S. Sabbe ab.	
	6	M.	S. Nicolò	
	7	J.	S. Ambrôs	
✠	8	V.	<b>Madone de Concezion</b>	
	9	S.	Sante Valerie	<i>Lune gnove di dicembar</i>
✠	10	D.	<b>Seconde d'Avent</b> - Madone di Lorêt	
	11	L.	S. Damâs pape	
	12	M.	S. Sabin vescul	
	13	M.	S. Luzie v. m.	
	14	J.	S. Spiririon	
	15	V.	S. Ireneo e comp. m.	
	16	S.	S. Eusebi vesc.	<i>Prin quart</i>
✠	17	D.	<b>Tiarze d'Avent</b>	
	18	L.	S. Grazian vesc.	
	19	M.	Sante Fauste	
	20	M.	S. Liberât e comp. m.	Q. T.
	21	J.	S. Tomâs apuestul	
	22	V.	S. Flaviân m.	Q. T.
	23	S.	Sante Vitorie v. m.	Q. T. <i>Lune plene</i>
✠	24	D.	<b>Quarte d'Avent</b> e vilie di Nadâl	
✠	25	L.	<b>Nadâl di N. Signôr J. C.</b>	
✠	26	M.	<b>S. Stieffin prin martar</b>	
	27	M.	S. Zuan Vanzelist	
	28	J.	Ss. Inozenz di Betlem	
	29	V.	S. Tomâs vesc. e mart.	
	30	S.	Sante Nastasie e mart.	<i>Ultim quart</i>
✠	31	D.	<b>S. Silviestri pape</b> (Ultim dal an)	



## Tiare benedete

Ancje jo 'o ài volût dai la « buine fortune » e propi quant ch'al stave par jessì: lui al si è voltât indaûr de bande ch'e vignive la mê vòs, al mi à cialât un moment e al mi à rispuindût cu la man, cussì... come che fasin i fruz pizzui, o i omps quant che no san ce altri fâ sul moment. Al veve bocie da ridi plene di malusèrie. Un moment dopo, la puarte de ostarie si siarave daûr di lui.

Jo mi ciatavi culû par câs: jessint di passac' o vevi volût là a zercià un taiut, e di chê strade distracami un pôc. O vevi cussì tirât une ciadrêe dongie di un taulin, dulà ch'o vevi poiade la tazze, e mi jeri sintât, sorepinsîr. No mi visavi di 'sei stât prima d'in chê volte in chel pais. No cognossevi nissun là vie e mancûl ancjemò chel omp ch'o vevi saludât. Ma no impuartave; ancje senze cognossilu mi sintivi plui che so parint, plui che so fradi: al jere un pari di famêe ch'al lave pal mont a cîri lavôr... par vivi e dâ di vivi 'e so famêe. Al jere un altri furlan ch'al lave a vaî di nostalgie... lontan... lontan de sô tiare: a vaî di nostalgie par che sô tiare che no j dave di mangià.

\*\*\*

Apene che la puarte si jere siarade daûr di lui, 'o vevi tirât il cucl par coriji daûr cui vò di là des lastris, ma subit dopo il svolt di une stradele 'mi lu platave. Zaromai al veve saludât duc': une bussade ai fruz; al plui pizzul une strucade e ancjemò une bussade; une bussade plui lungje 'e sô femine, une lungje cialade cu lis mans 'te sos mans...

Ogni ricomandazion la veve za fate, ma instes 'nol vares podût di altri: un grop tant dur e tant trist j siarave il gargât. E lant in jû al jere passât un moment 'te ostarie a dâ un ullin saludut ai amis... e a rispuindi a un salût che no si spietave, di un che nol cognosseve.

\*\*\*

Il viaz al jere scomenzât. 'O jerin sore sere e il soreli, platât a mont, al lassave ancjemò une lus a indorà i crez di ches monz. Lui al passave biel planc pal pais, cialant atôr come s'a nol ves mai viodût ches cjasis, chei ortûs.

chei murùz di claps, chei riui impantanâz. Prime, tante fature, tantis pratichis, tant traficà par vè il passepuart par là vie, e cumò squasi nol veve il cûr di lassâ il so país; e si lu cialave, si lu cialave come s'al si fos apene inacuart di vè scuiart ch'al 'jere biel, tant biel che in nissune bande dal mont ch'al sares lat, an vares ciatat no un di miôr ma un di compagn. In chel ch'al passave jù par che stradele, duc' i ricuarz de sô vite 'i vignivin su 'tal zerviel e s'ingrumavin un sore l'altri senze podê lâ fûr. Al vares volût fermâsi, tornâ indaûr e restâ culi par simpri, a patî la fan magari, ma a ciacciâ chê tiare, a respirâ chel ajar. Un grop tant amâr j tornave su pal cucl: al 'jere chel stess di prime ... quant ch'al bussave i fruz e la femine, quant che iu saludave, quant che iu lassave. E cumò al cialave e al saludave il país: al lassave ches monz, chei ortùz, chei murùz di claps, chei riui impantanâz ... e jù bussave duc' cul cur ... e chel grop al si faseve simpri plui trist. O ce tant ch'al bramave di jessi un frut par podê vai, par sbrocâsi! Ma al jere un omp, al jere un pari ... e chest pinsir, nome chest pinsir lu consolave e 'i dave la fuarze di lâ indenant: la sô famêe 'e spietave di lui il pan, la vite. E intant al cjami-nave, plui plancût ch'al podeve, al si voltave indaûr e in chel la muse j lusive ... po' si jemplave di malusèrie e tirant indenant, il cûr al bateve plui fuart! Cui sa che qualchi lagrimone no le vebi sujade ... lant jù. Il strac sunâ des ciampanis sore sere, lu compagnave jù. 'E jerin simpri lis stessis ciampanis, ches stessis ch'al scampano-lave ancje lui quant ch'al jere fantazzut 'tes fiestis plui bielis dal país. Ma no sunavin come simpri: chel sunâ al jere gnûf: e lis cjampanis e jerin simpri chês. E il « din don » ch'al à puartat cun sè, 'tes orelis e 'tal cûr al è stat l'ultin ch'al à sintut: chel che lu à saludât e compagnât fûr dal país. Dospò: si sintive apene chel sunâ strac, sore sere, al si ere fat simpri plui flap, come s'al fos in agunie: ma 'e jere la lontananze che lu faseve semeà cussì. Ancje ches monz e diventavin simpri plui pizzulis, ma plui pizzulis si fasevin pai vôi ... e plui grandis 'e diventavin pal cûr: tant plui grandis che sierant i vôi lis videve an-cjemò come s'al fos simpri là, sot di lor, cun lor ...

O monz, o crez, che par mil voltis mi vês puartât sù, sù, lassù dongje il Signor! O boses di pec' che mi ves jemplat l'anime! O biei torinz blancs di grave, che cul cjant de vuestre aghe mi cjantavis lis prejeris ch'o puar-tavis dal cîl: jo us saludi ... vaint ... preànt ... sperànt

in cûr, cun dut il cûr di tornà a vivi in vô, di tornà a vivi in te, tiare benedete dal Friûl!

E la gnot si faseve pence pence, nere come se il diaul si fos sintât sul nestri mont. E cul secur cidin cidin, i ricuarz e fasevin plui malusèrie... e il viaz al continuave... di là des monz, di là dai plans, di là dal mar.

\*\*\*

Il Friûl al jere restât lontan... lontan, ma lui al veve cun sè un sacût plen di chês tiare ch'al veve lassade lontane, e dute chês altre tiare dal Friûl ch'a no j stave 'tal sacût... le veve 'tal cûr: culi sì, 'e stave dute, dute e par simpri, parcè nome in chês tiare il cûr di un furlan al podeve bati anjemò!

Ma ogni tant al viarzeve chel sacût e si lu strucave sul cûr, come par meli dongje tiare cun tiare... e la busave. Qualchi volte j spandeva parsôre une lagrime: quant che il dûl al si faseve plui crût e quant che la tristerie dai omps, che i davin di mangiâ, lu visave che la patrie no jê, no, dulà che si mangje miôr, ma dulà che si àn lassadis lis liqris dal cûr.

\*\*\*

La me tazze sul taulin de ostarie 'e jere vueide.

BERTO PICOTTI

## Prins di mars

*Blecûs di neif si disfin tal sidin  
da lis ombrenis,  
devour la mieza ria da li cujers,  
parsora via dal mus'ciu dai rivai,  
morint biel belu.*

*Dos solis nulis blancis in tal seil,  
lusintis di soreli,  
lusintis e lizeris coma un veil  
tal vint, e coma il nustri ben smarit  
ta un ros di sera,  
negal romai lontan ta aul chel lustri  
dai to vui.*

RICARDO CASTELLANI



## Il tesaur de nestre lenghe

*'A è passade ançie la uere  
e il país nus àn spoiât,  
ma il tesaur dai nestris parìs  
il furlan nus è restât.*

*Lenghe antighe des montagnis,  
la plui biele ch'o savìn,  
parcè mai vùn di lassati  
e segnâ la nestre fin?*

*Stanus dongie, mari lenghe,  
vîf, trionfe e çiape pît:  
fâs che lusi la to stele  
su la patrie al infinit.*

MAX TOSI

## I bragòns di Zaneto

*E cumò, letòrs, scoltaimi,  
che sgarfànt nel timp passât,  
tra i miracui de me vite,  
a mi par di vé ciatât  
un biel câs originâl,  
che us conti tâl e quâl.  
O ven fur dal Seminari  
palid, magri, biel scunit.  
Cianti a stent la prime Messe.  
Pûar gno pari sbalurdit  
al mi mande in cure a Grao.  
Dopo qualche setemane,  
monti in barce e 'o sbrissi a viodi  
il Santuari di Barbane.  
Grant concors di pelegrins,  
sclâs, furlans sbiciâs, triestlins,  
vecios, zovins, fruts e feminis,  
ciântin, prein in zenoglòn,  
opâr van atôr pa l'isule  
doi par doi in prucission.  
Mentri il sun de lis ciampanis  
al va a spandi l'alegrie,  
i devots mai no si stufin  
di ciantà: «Viva Marie»;  
o sul-ton dei lôr paîs  
di vosâ lis litanîs.  
Mi ven dongie il sior custode:  
— Jere predi ie furlan?  
— Signor sì, ce comandavial?  
— Je si fermie a dà una man?  
Viodi là duta che sdruma:  
spietin duc' di confessâsi:  
se mai podi par qualch'ora,  
che no i vebi de stufâsi.  
Son pôs predis e un pûar frari...  
Ecco là il confessionari.  
Jentri dentri e plen di zelo  
li mi met a disbratâ.  
Viartz e siere la portele,*

nancie timp di tabacà.  
 L'ere il gnûf confessionari,  
 culurit qualchi di prin;  
 impeolade fin la bancie...  
 senze un fregul di cuscin.  
 Mai un sbrendul di pezzòt  
 che mi vessin sgnacat sòt!  
 Co mi môv, in retrovie  
 sint un alc che m'ingrevèe;  
 e jo pensi: «'E sarà forsi  
 qualche sclese in ta la brèe».  
 'O confessi cinc, sis oris,  
 e finît voi par alzami.  
 Ma li, tire che li tire,  
 no pues plui disbredeami.  
 I bragòns 'e àn fate leghe  
 cul colôr e la vernis,  
 favuris da calurie...  
 Met in vore mans e pis.  
 Dut inutil! no si molin.  
 Sudi frêd! no sai ce fâ.  
 Lenti atôr sint che cisichin:  
 — No ael finît di confessâ?  
 Clami il muini e il siôr custode.  
 Borbotànt 'o espon il câs...  
 — Ah, puar predi! liberalu?  
 ma in chel puest come si fâs?  
 'I vorès un par di vacis...  
 'E mi dan doi tre tiròns.  
 — O là o rompi — e no distachin  
 nè la sinte nè i bragons.  
 — Ca' mi tocia, al dis il muini,  
 lavorâ di britulin...  
 Sì, va ben... ma ze sucedial  
 se mi vâis fûr di confin?  
 — No vè pora, salva crodia —  
 al staronze e al taiuzze.  
 — Alzà giamba! — 'I racomandi.  
 Il custode che al riduzze,  
 nol finîs mai di scusasi.  
 Jo ven fûr a zopedòns  
 e li 'o lassi sequestrade  
 la cularie dai bragòns.

PRE' ZANETO  
 (1932)



## Il disordin

(quadrüz)

*Jè l'ore de merinde,  
il fûc 'l è distudât  
e il giat in somp la taule  
al leche il lat struciât.*

*La puarte de cusine  
jè simpri spalancade,  
e dentri lis gialinis  
'a fan la spassegiade.*

*Lis bestiis ta la stale  
'a brontolin di fan,  
'e uàchin ta la malte  
e il brût dal lôr ledàn.*

*Tonin sul pat de s'ciale  
al sint a sunâ scuele,  
e al vai parcè nol ciate,  
pôr frut, la so cartele.*

*La mari 'a cîr la lane  
par ramendâ i cialzûs  
e, quasi un'ore dopo,  
la ciate fra il palûs.*

*Ta l'ort, i pomidoros  
a son lassâs marcî;  
e il lujar, ta la s'ciâipula  
al à scugnût muri.*

*Oh Diu, ce gran disordin,  
ce slas, ce rebaltòn!  
La mufe e la sporcizie  
a son t'ogni ciantòn.*

*Cussì po in che famèe  
'l è simpri chel istes:  
la robe 'a va a remengo  
e la miserie 'a crès.*

*Puarete mai ché ciase  
ch'a è sence direziòn!  
'A è come une carete  
ch'a cor sence tamòn.*

MARIO ARGANTE

## La nêf

*'E cole jù la neêf a flocs, cidine,  
par àiar vongolànt come la plume,  
e cole jù lizere lizerine,  
e sul lerèn, sui cops, par dut s'ingrume.*

*Ne si sint un sussùr e in ogni sit,  
in tal país, tai orz, sui ciamps, sui prâz  
dut al somee c'al sedi indurmidit.  
Ma sol de neveade il mont nol tàs,*

*e grant al è il dolór e la tristèrie  
che tant tormento cheste umanità!  
Culì sul fogolàr sclopete il fuc,*

*e voi provànt un gran plasé tal cur  
pensànt che in nissùn luc 'o ài mai cialât  
chest ben c'o voi gioldint te me famez.*

PIERI SOMEDA DE MARCO

## A lis cisilis

*O cisilulis che vês tant corût  
imburidis pal cîl a torzeon,  
vês finit di stâ chenci. Ah il gno salût  
vêbit a ciâr, che soi plen di passion.*

*Jo resti, invece. Resti cà, piardût,  
senze plasês, al mont, t'une preson  
che si clame citât, e la virtût  
no s'cialde i cûrs, e si lâude il bricon.*

*O cisilu'is, vignarà l'Avril,  
e cui cianz e cui flôrs de primevere  
tornarês a svolà pal nestri cîl.*

*Ma no l'è avrîl par me. Se pur la tiere  
mi done, a consolâmi, un flôr zentil,  
jo lu puarti ai miei fruz, donge une pierre.*

PIERI BONINI

## Lenghe e dialèt

A chei Furlàns che 'o viòl a stuarzi il nâs  
se qualchidùn al cir di scrivi sclet  
in tal nestri lengâz, che a lor nò ur plâs;  
a chei Furlàns che erodin che l'afiet  
pe mari Itàlie imponi in ogni câs  
di usâ la lenghe e fá spari il dialèt  
fasint di « babbo » ai fruz e nò « papà »,  
propri a lor in furlàn vuei ciacará.

Letórs, no stait vé pore: nò soi bon  
di butá jù un tratât, nè, certamentri,  
'o prilint di fá in càtedre lezion:  
'a mi baste, se 'o pues, di mètius dentri  
in te coce, in furlàn, la mé rasòn  
che 'o spizzi in quatri viers parcè che us entri,  
content se mi dirès chès in contrari:  
se mi convertirès... mi farai frari.

Scomenzi e us prei di tignimi daùr.  
Un pinsir, si capis, sei brut o biel,  
o legri, o dolorôs, par saltá fur  
da la pizzule ciase dal zerviel,  
o de ciase plui grande di un bon cur,  
nol pò in public mostrá nude la piel;  
bisugne ch'al si viesti di espressions,  
che son la se giachete e i siei bragóns.

Ma ben plui che la mode dai vistiz,  
il fevelá de int, di là a culi,  
l'è diferènt 'ne vore pai país.  
Baste un esempi: il « nò » si lu pò di  
il mil mûz; tant l'è ver che Dante al dis  
che in Itàlie d'auâl nol è che il « sì ».  
Parcè, mo, tra i lengâz 'ste diferenze?  
E ce impuàrtial savélu?... 'E jé: pazienzel

La rasòn 'e sta dute te nature;  
'e quant che in bal 'e jentre cheste siore,  
nè voaltris, nè jo, cheste é sigure,  
podin a lis sôs lez passâi parsore.  
A' no nassin stelutis te planure,  
ne la viòle in cime es monz 'e odore;  
l'àquile 'e à il nîl sui crez e vie pe vile  
e' lu fâs sot lis lindis la cisile.



Voaltris mi dirês che, se comande  
la Nature, comande ance la Stòrie,  
che, messedànt i pòpui d'ogni bande,  
come la coghe i pès la la frizzòrie,  
e' misture i lengàz opur ju sbande,  
jasinju lá ance fur de ciaradòrie...  
Nature e Stòrie, duncce: e mi pâr vonde,  
se la prime une man dà a la seconde.

Tornin al argomènt: vuei di in ce mût  
che nus convèn vistí un pinsir par fá  
c'al sedi ancimò lui dopo vistût;  
che tra le nestre int al puedi lá  
cul stamp dal lûc dulà c'al è nassût,  
c'al vebi l'ande, l'estro, il fevelâ  
sempliz dal popul che lu devi lei,  
lombàrt, romàn, furlàn, sei ce c'al sei.

A chest pont, mi pâr lisse la fazzende.  
Di solit vîn duc' quanc' plui d'une vieste  
(ué dome dôs pe ciaristie tremende)  
une pai dîs di vore, une di fieste  
(magari dutis dôs cun qualchi mende):  
a' si pàrial plui bon cun ché o cun cheste?  
Cussì par il legàz sta il paragòn:  
lenghe o dialèt? giachete o veladòn?

Secònt i cás: ma cui pò dineá  
che quant che 'o sìn vistûz, cussì, a la sclete,  
sìn plui sinzêrs, sìn plui libars tal lá,  
tal móvisi, tal dî la barzalete,  
tal ridi e tal vai, tal tontoná,  
tal voltâsi par strade a zampe e a drete?  
Dulà che, vistûz ben, sclâfs dai vistiz,  
'e si va vie durs durs e impicoliz.

Cialàit lis contadinis quant che a vore,  
sparnizzadis pai ciamps in libertât,  
van seselànt sol il soreli in bore:  
cialàilis ce tant bielîs tal istât,  
cu' la còtule curte, quasi sore  
i zenoi; e sul ciâf, ròs, inflamât  
un fazzolèt; si drezzin un momènt,  
come da un mar dut aur, sù dal formènt.

Cialàilis, mo, di fieste cu' lis mudis  
 di messe grande, come che van vie  
 ligninsi par un dét, plui che vistudis,  
 imbredeadis di galanterie,  
 cui voi sbassáz, come che fossin nudis,  
 plenis di pore che lis ciolis vie...  
 Di fat qualunque, a viódilis, si acuarz  
 che, püarètis, fasin un gran sfuarz.

Mudadis lis mudandis, jé cussl  
 ance par l'ûs de lenghe o dal dialèt;  
 e parî Dante tant al la capî  
 che, cialànt tal latîn juste il difiet  
 d'un abit incolât, al la finî  
 cul mètilu in cassòn par scrivi sclet  
 in volgàr, il lengàz ciolt sù de strade,  
 discòlz, senze golèt, senze velade.

E pur, propri in ché mude di strapàz,  
 saludáz a Firenze i siei nemîs,  
 a pît, bessól al scomenzà il viàz  
 che duc' àn fat di muarz e pòs di vîs;  
 al descrivè tormènz, urlos, burlàz,  
 Infiar e Purgatori e Paradis,  
 al visità lis ànimis danadis,  
 po chês in purghe e in ultim lis beadis.

E, si capîs, cun chel tantin di pari,  
 la lenghe, — la plui biele di chest mont —  
 'e doventà di bol la lenghe mari.  
 Ma, paraltri, bisugne tignî cont  
 che cun je si é fat l'abit leterari,  
 chel abit che us dièvi e che in confrònt  
 dâi dialèz, lizerîns, al è un pivial  
 che in glêsie al va benòn, ma in file mal

Tignîn, duncè, ben cont dai dialèz  
 che dul e ben 'a si pò di cun lor:  
 son fuarz te ràbie e dolz tai morosèz,  
 san di la gionde, san vâi il dolôr:  
 de la int, lûc pur lûc, mostrî i aspîez  
 che miei nol podarès fá un bráf pitôr:  
 ogni nestri ricuart a lor si lee.  
 tignînju cont: son quadris di famee.

MILIO NARDINI

## Cisilis

Cisilis, cisilis, cisilis,  
che svòlin a plen,  
imburidis e ciochis di morbin,  
tal àiar seren  
dal avrìl;  
che sfrisin cul frusin  
la lastre turchine dal cìl;  
che scrivin, indafaradis  
lassù tra i nùl lontans,  
peràulis grandis e misteriôsis,  
larondis, ingropadis,  
imberdeadis  
in tanc' mulinei malarans,  
sul libri spalancât  
de nature in amôr;  
che tiëssin cul fìl  
neri des àlis la trame  
lusint de primevere  
in flôr;  
che bèvin a plen flât,  
svoland, il bon odôr  
di dutis lis rôsis  
sui prâz di ogni colôr;  
che svòlin, 'e svòlin, 'e svòlin,  
dal prin cricâ dal dî fintrimai sere,  
senze padin...  
Svolâ l'è il lôr destin.

A voltis 'e van sù come clapadis  
butadis  
da un gigant  
invelegnât  
cuintri il soreli;  
a voltis 'e zìrin, 'e zìrin  
in cèrcelis segnâs cul compàs  
insomp dal ciampanìl,  
tan' che fòssin leàdis  
cul spali su la crôs;  
a voltis, zirand  
ator ator dal tôr,  
dal alt in bàs,  
dal bàs in alt,



al semee  
che lu lèin cun tun fil  
sutîl, sutîl.

A voltis 'e còlin  
a plomb jù dal cîl  
come clàs,  
si sbùssin fin ad ôr  
dal Livenze c'al cor  
cuiet  
tal so jet  
vert,  
'e sbrissin vie sul spiei  
da l'aghe a bec viert,  
par ciapâ 'ne pavee,  
o une mos'cie o un mos'cin;  
po' cun tun salt  
in alt  
'e van sot la linde a sòtet,  
'e puàrtin tai nîz  
il past ai lôr fis  
che spiètin la mame  
cul bec spalancât.

Cisîlis, cisîlis, cisîlis,  
che pàssin in file,  
se il cîl si fâs scûr,  
corînsi daûr  
scalmanadis,  
par dutis lis stradis  
de vile,  
par dutis lis vilis  
dal nestri Friûl benedet.

Po' strachis sfinidis  
pal masse svolâ  
si fèrmin a polsâ...  
Si pòin sui fii di fiâr  
des vîz,  
o sun tun clàut plantât  
tal mûr,  
o sul stec  
di une rame  
dal filâr  
sec,

o si scuindin tal scâr  
di une androne.  
'E stan donge i nîz  
a veglâ i fis  
che vièrzin il bec  
se la mame  
ju clame.  
E lì 'e ciàntin sot vòs ...  
e il ciant lis console  
e ur iemple la gole  
di vite, di giorde, di amôr.

'E ciàntin, 'e ciàntin, 'e ciàntin,  
— cantôrs in velade,  
che sùnin il violin senza l'archet —  
i uceluz de Madone  
'e fâsin lis làudis dal Signôr.

Tròs mës sono passâz?  
Il timp al svole!  
I plûi son bielzà dispatussâz:  
'e svòlin ancie lôr, cumò, senza fadie ...  
E l'ore di parlî iè zà rivade,  
e lunge 'e jè la strade  
che va di là dal mâr.  
Ma prin di là vie  
lis cisillis si mètìn in rie  
sui fii dal telegrafo  
(cui sà parcè che a viòdilis  
mi ven tal ciâf la mùsiche?),  
si còntin, si clâmin, si cìrin,  
si vòltin, si zìrin,  
'e svòlin pòc lontan,  
'e tòrnin daûrman ...  
E une biele zornade  
quan'che l'ultime cisile jè rivade,  
dulis insieme 'e van  
a fabricâ altris nîz  
in tun paîs lontan.

Ma prest 'e tornaràn ...  
(Oh! cemât che somee  
la vuestre vite a chee  
dai nestris emigranz, o cisilùtis)!

O cisilùtis bielìs che i làis vie  
 lontan, lontan,  
 di là dal mâr,  
 e che i puartâis tal cûr la nostalgie  
 pal vuestri nîd e par chest cîl furlan,  
 quan'che i ciatâis pal mond un fogolâr,  
 fermâisi un lamp in miez de companie  
 e puartâigi il salut de Furlanie.

NINO SORMANI

## Sefût in Paradîs

Sefût, vècio ortolàn di Ciase Aldine,  
 rivât sot l'otantine,  
 plen di schinelis, gobo, strissinît,  
 al pensà ben di là àncie lui cun Dio,  
 o, come che si dis, di tirá 'l pil.

Lu ciatòrin tal jet une matine,  
 che nol tirave il flât  
 e al jere za aromâi quasi glazzât.  
 Clamarin il dotôr,  
 che i tocià il pols a lunc, lu palpugnà;  
 e, persuadût ch'al jere propri muart,  
 i stindè sun doi pîs il passepuart.

Al jere quasi scur  
 co lu puartàrin sot;  
 cun l'une torze il muini i lè daûr  
 il capelàn de vile  
 (sei dît cun dut rispiet)  
 i murmugnà sù, in presse, la Diesille;  
 po, jù dal cadrilèt,  
 brututûnf, in te buse;  
 dôs paladis di tiare, e buine gnot!

Pûar Sefût, al fo simpri un disgraziât!  
 Uarfin di frut, senze nissùn al mont,  
 al scugnì di buinore,  
 a son di comedôns, quistâsi il pan,  
 tratât piês che nò un cian  
 de int barone, là ch'al leve a vore,  
 tant che i parè di vé ciapât il lot  
 quan' c'al podè jentrâ,  
 dopo fat il soldât,  
 in Ciase Aldine, ortolàn... patentât.



Ma nàncie lì no fo che gran cucagne:  
lavorá dut il dì, ma pae... pociute;  
e il mangiá misurát a stic a stic,  
sebèn che si tratàs di pan di sorc,  
di cròdie, di fasui e di polente.

E, cun dut chest, pùar Sef, mai un lamènt,  
mai brontolèz, mai nie c'al podès pandi  
une angosse, un lancùr, un malcontènt.  
Il so mont l'ere l'ort; chel i bastave;  
e in chel ort al passà dute la vite,  
dal dì che la so Ghite  
lu lassà par sposá un mascalzonàt,  
biel zovin, sior, ma che, par so disdete,  
(e chest al fo il ciastìc dal tradiment)  
come prove di amór  
i 'nd à fatìs passá d'ogni colór.

Oh mo! Rivát ch'al fo tal mont di là,  
Sefùt (cemùt, nol savè nance lui)  
dut in t'un bot, pardiane, al si ciatà  
denànt de puarte d'aur dal Paradis.  
San Pieri, c'al cucave fur pe spie,  
no lu vè nonce olmát,  
che i viarzè in bole: — «Oh, Sefùt, benvignùt!  
«Tu t'al às merelát: ve' cà, ve' cà!»  
E lu fasè jentrá.

No us dis la marivee dal pùar Sefùt:  
al cialà atòr, al restà lì inzussit,  
nol podè viarzi il bec: l'ere ingusit.  
Tindinis sui balcóns, tapèz par tiare,  
poltronis di vilùt par cà e par là,  
ogni lant un sofà,  
taulìns, armàrs, scansiis di lustrifin;  
e, sot i trás, piciadis  
tre bielis clocis dulis indoradis.  
Tal miez une tauìone pereciade:  
mantìl di Flandre, tavaiüz di lin;  
plàdinis, plàz, terinis di crep fin;  
sedóns, piróns, curtìs du' quanc' d'arint;  
su pes credinziis robis... che no us dis:  
par fále curte, insume, il Paradis.

Viodint il pùar Sefùt lât fur di square,  
 San Pieri, da chel bon vecint c'al è.  
 lu tirà pe gabane — «Ohe là, copari,  
 «saldi in gamba, che chest al è imò nie!».  
 Po al dà une vòs; e tan' che dos cisilis,  
 eco doi àgnui compari svolànt.  
 Ur cimie; po, a Sefùt: — «Va là cun lor!».  
 Lor lu ciapin sot braz; e, in t'un lampin,  
 vst! lu traspuartin in t'un camarin.  
 Lì lu viestìn da gnûf da ciâf a pîs:  
 ciamese recamade-mude di pano fin,  
 scarpis cu' i flocs di sede-ciapièl di moscar-  
 [dìn.

Vistût cussì in parade, il pùar Sefùt  
 nol steve plui te piel:  
 ce non è, propri in chel,  
 eco sunà misdì!

Coragio, Sej, che cui c'al pò nol stente!  
 Cà, par die, no si trale  
 di pan di sorc, di cròdie e di polente.  
 Dài sof, dài sol, che nol è timp di amis;  
 su, in taule, prin che vegin luncs i ris!

Sefùt nol si fasè freà la panze:  
 al si tirà daür une poltrone,  
 al si sintà, cun bon pilît, in taule  
 e i petà drenti, alegri, di sonone.

Cà orès dâus une idee  
 dai pasc' dal Paradis;  
 ma, di pore che us vegni l'aghe in boce,  
 'o lassì che zuiàis di fantasie:  
 baste c'o sepis chest,  
 che lassù no si bade a economie,  
 che si mange dul ce c'al è plui bon  
 e che ogni dì si viôt a puartà in taule  
 fin la torte o il budîn cul sabaiòn.

Polente, pan di sorc, par simpri adio,  
 ricuàrt di fan, di strùssiis, di misèrie!  
 Cumò tortis, budîns, colàz, gubanis,  
 polèz, ciapóns, dindie, vidiel, salvadi,  
 musèt cu' la brovade,

brusàdulis, frituris,  
e mignestris di crodi c'al sei tòcio.  
Aghe? Malafisi! Rafòsc, Verdùz,  
Ribuele, Picollì a plens bocai;  
e pan blanc a dut past. Ah, i pagnutìns  
cu' la sponge, pitinìns,  
musulìz, lizerìns,  
che si disfin in boce  
e sbrissin jù in t'un bot, tan' che il sorbèt!

Une diete cussì sostanzeose  
no podeve mancià di fá il so efiet;  
e il bon Sefùt, in pocis setemanis,  
al ti diventà gras tan' che un culèt;  
e — par contàuse dute —  
al metè sù ance un fregul di panzute.

Ma al è destìn che l'om  
nol sedi mai contènt,  
nance, par din di dine, in Paradis.

Dopo tre mès di gionde e di baldòrie,  
Sefùt al si butà 'e malinconie.

Une domènie, dopo di gustà,  
al leve spassizànt inmusonât,  
dan-dàn, dan-dàn, sù e jù pal Puradis,  
cul ciapièl su la cope,  
lis mans daür la schene,  
sbrundulànt jenfri i dinc':  
« Lajù, di fuc, par die, no jé misèrie;  
« o di ruf o di raf, 'o podarai,  
« in algò, buri fur une cialdèrie:  
« là, senze fal, soomèt c'o ciatarai  
« gno copari Titate mulinàr...  
« Ah, baròn di Titate,  
« tu scugnis vèli strissinàt daür  
« plui di une pècie sun ché to anemate!...  
« Baste! Coràgio, Sef! » E, dit e fat,  
al comede il ciapièl, al s'imbotone  
la blanchete, al si spache jù il pulvìn  
des scurpis lavorànt di fazzolèt;  
po, svelt come un zupèt,  
dut imburìt al còr  
là ch'al steve il Signòr.



Domandàt compermessò, al si presente  
(sudizionòs c'o podès nome cròdi)  
al tire jù il ciapièl,  
al fàs la riverenze  
come, di vîf, denànt l'allàr maiòr.  
— Oh, Sefùt, ce bon vint? ... — dîs il Signôr.  
E Sefut, trabas'ciànt, cussì al scomenze:  
— Signôr soi cà par fâus une preiere ... —  
po al s'intope. Il Signôr, par fâi coràgio:  
— Fevele pur, Sefùt! —  
E Sef come c'al vès un grop sul stòm,ì,  
al dà fur, dut t'un flât:  
— Mandaimi un siet vot dîs ta! Precatoril! —  
— Po ... devèntistu mat? —  
— Ah, nò lafè, Signôr, c'o dis dabon!

Senze di nie, il Signôr  
lu ciale par traviars,  
al si spizze un mostac', al fàs il cei;  
po, vignùt in suspiet,  
che chel bàbio di sant, c'al è San Pièri,  
i vei fâi qualche imbroi,  
pe simpatie c'al veve par Sefùt,  
al dà une sglinghinade al campanèl.

Si vierz une tindine  
e al comparis in bote San Michél,  
vistùt, come il so solit, di guerir,  
cu' la belanze e cu' la spade in man.  
— Comandaimi, Signôr —

— Dà une ociade sul libri; e viôt, se mai ...  
(e i mostre il pùar Sefùt  
dut spaurit, ch'al trimave tòn' che un vene).  
San Michél, ubidient, da bon soldât,  
al poe spade e belanze in t'un ciàntòn,  
e al spalanche il libròn.  
Al bagne il dêt, e volte, e volte, e volte,  
fin c'al rive a la ciarte di Sefùt.  
Blance, blance dal dut! —

Alore, po, il Signôr, invelegnât,  
nol podè plui tignisi:  
— « Ce nainis sono chestis?  
« Ce ti màncial, cà sù, ce ti covèntial?  
« Sù, fevele, sintìn! — » e al fo sul òr  
che no i sbrissàs un « corp » ance al Signôr.

*Sefùt, quan' c'al sintì chel verbuncaro  
al ti diventà blanc tan' che un pezzòt:  
al slargià i braz, al fasè il blec; po, in presse,  
cu' la vòs che i valve tal gargàt:*

*« — Signôr, gno bon Signôr,  
« vó o' vès resòn di vendi.  
« Cà no mi mance nie,  
« cà 'o soi nudrit, vistùt,  
« pontât e smondeât;  
« cà 'o soi tratât di siôr;  
« cà 'o ài pinanche chel che mi covente;  
« no podarès stâ miôr;  
« ma... par l'amór di Dio,  
(e cà al si bute in zenoglòn t'un sclop)  
« perdonaimi, Signôr!...  
« ma un Furlàn nol pò stâ senze polente! ».*

*Il Signôr, simpri bon, a ché jessude,  
al si sclaris di ciere,  
si ciarezze la barbe,  
al riduzze sot còz;  
po i fâs segno cul dêt a San Michêl  
di lûi donge; e, sot vòs,  
i dîs dos peraulùtis t'une orele  
(e Michêl al riduzze intànt c'al scolte).*

*No sai ce che i vei dît;  
ma il fat al è che, dopo d'in ché volte,  
in Paradis si mange ance polente.*

ZANETO DEL PUPPO

## La dalia

*Lus impiadis ator la piantaforma  
ma enciamò no mi par di jodilu.  
A bàlin. Lontan i vai a dispierdi  
la dalia ch'a mi beif i vuj.*

*Par il troj dulà ch'i ciamini  
la not tra li ramis  
e li lus dal bal visìn a savariein,  
sgarpionds ineàs ta un mar di legria.*

NICO NALDINI

## Ciant di prin da l'an di une volte.

*Bon dì e bon an, siôr paron,  
che Dio us dedi dal ben  
chest an e chest an cu ven!  
Bon dì e bon an, siôr paron!*

*O' sîn vignûz cul liron  
sunant vilotis d'impen,  
cu la polente tal sen:  
Bon dì e bon an, siôr paron!  
O' sîn vignûz cul liron.*

*Cussì al vignive gno von,  
cussì — Di' perdoni — gno pari...  
pùars vecios!... 'Ce ocôr c'ò zavari?  
Bon dì e bon an, siôr paron!*

*Lis anadis alore erin buinis,  
bondant la polente, il vin bon:  
e ce fêns! e ce vîz! e ce plinis!  
Bon dì e bon an, siôr paron!  
O' sîn vignûz cul liron.*

*O' sîn vignûz di lontan  
come i pastôrs dal Signôr;  
e lui, sâr 'Osèf, c'al è siôr,  
che si visi de buinemàn.*

*Di fâr al è dut un sflandôr  
di nêj, sul cuel e sul plan;  
e nô o' vîn frêt, o' vîn fan  
come i pastôrs dal Signôr.*

*Di fâr al è dut un sflandôr.*

*Ma dentri, tal fogolâr,  
ce gionde! ce bon odôr!  
Polente... uceluz! Lìn intôr,  
parînsi dal frêt da l'unviâr.*



*Bon dì e buine anade, parone,  
che Dio us protezi dabòn!  
E ce ciase, ce ordin, ce done!  
Giò us uardi dal mal dal madron!*

*O' sìn vignûz cul liron.*

*Sâr Bepo, c'al mandi ta l'arie  
a cioli un balzûl di soreâl,  
se no o' buîln su la panarie...  
e ce viòdile sul ciavedâl!*

*Po capi, e ce biele massàrie!  
ce spalìs, ce giambis, ce bieì...  
che nol stedi a mandâle ta l'arie  
cun chel berbant di famei!*

*Po capi, e ce biele massàrie!*

*Lis nestris paronis dabòn  
no spelìn, no mangin ucêi:  
o' sìn pùars, 'o sìn flaps, o' sìn viêi:  
no sìn boins che di dâi di liron.*

*Oh, c'al tiri fûr di chel bon  
une bozute des miêi:  
— o' sìn stracs, o' sìn flaps, o' sìn viêi —  
par podêi dâ di liron!*

*Bon dì e bon an, siôr paròn!*

*Bon al e bon an, siôr paron,  
a lui e a la companie!  
Scolade la tace, o' lìn vie:  
Bon dì e bon an, siôr paròn!*

*Di fûr 'e passe la strie  
pe nêf, sol de linde, al prin glon:  
che Dio nus uardi dabòn  
nô e la companie!*

*Bon dì e bon an, siôr paron!*

**BINDO CHIURLO**

*Lis poesiis dai mès 'e son di Ercole Carletti, e lis vin  
ripuartadis in chest lunari dal libri Friuli (Firenze,  
Bemporad, 1924) di Lea D'Orlandi, par ricuarcà la  
ciare memorie dal vecio segretari de Filologiche.*

*I disèns dai mès 'e son di Bepo Liusso.*

*Al à metût adûm il Strolc, come ch'al à podât, G. F.  
D'Aronco.*

*Dot. G. B. Corgnali, responsabil*

# I N D I C E

Fiestis e solenitaz . . . . .	pag. 1
Zenâr . . . . .	» 2
Lis ocis . . . . .	» 4
Glaz . . . . .	» 6
Soi furlân . . . . .	» 7
Il paîs lusint . . . . .	» 7
Fevrâr . . . . .	» 8
Il spiciôt . . . . .	» 10
Valcelina . . . . .	» 13
Marz . . . . .	» 14
L'ucelut de mont Cianine . . . . .	» 16
L'anconuta . . . . .	» 17
Flôrs salvadis . . . . .	» 18
Odôr di mughêt . . . . .	» 18
Veis . . . . .	» 19
Autun . . . . .	» 19
Avril . . . . .	» 20
La croniche . . . . .	» 22
Un gri . . . . .	» 24
Anîn a fâ l'amôr . . . . .	» 25
Un vel d'arint . . . . .	» 25
Mai . . . . .	» 26
Comeliâns di une volte . . . . .	» 28
Friul . . . . .	» 30
La muart provisoria . . . . .	» 31
La man 'te to man . . . . .	» 31
Juin . . . . .	» 32
Ciante, ciante tu furlane . . . . .	» 34
Gno pari (o cui?) . . . . .	» 37
Lui . . . . .	» 38
Baronadis . . . . .	» 40
Masse grazie . . . . .	» 42
Avôst . . . . .	» 44



Lis tribulazións di un púar ciallâr . . . . .	pag. 46
Domande . . . . .	» 48
Òres di gnot . . . . .	» 49
Setembar . . . . .	» 50
Lu Dante . . . . .	» 52
Il fi sòl . . . . .	» 52
La sere dai muars . . . . .	» 55
Il papavar . . . . .	» 55
Otubar . . . . .	» 56
Il plevàn e la stàjara . . . . .	» 58
Un raj rampit . . . . .	» 59
Tra il seil e la cera . . . . .	» 59
Ta li seis indojadis . . . . .	» 59
La liende de ciase . . . . .	» 60
Novembar . . . . .	» 62
Il Pari Eterno . . . . .	» 64
Il telegram . . . . .	» 66
Parcè che 'l mus al à chel tratament c'al merte . . . . .	» 67
No puès fregul rassegnami . . . . .	» 67
Dicembar . . . . .	» 68
Tiare benedete . . . . .	» 70
Prins di mars . . . . .	» 72
Il tesaur de nestre lenghe . . . . .	» 73
I bragòns di Zanèto . . . . .	» 74
Il disordin (quadrùz) . . . . .	» 76
La nêf . . . . .	» 77
A lis cisilis . . . . .	» 77
Lenghe e dialèt . . . . .	» 78
Cisilis . . . . .	» 81
Sefùt in Paradis . . . . .	» 84
La dalia . . . . .	» 89
Ciant di prin da l'an di une volte . . . . .	» 90

*Duc' i Furlàns — vîvino tal lor paîs,  
vîvino fûr pal mont — 'e òevin judà la*

## SOCIETÂT FILOLÒGICHE FURLANE

*Cheste Societât 'e lavore in dut il  
Friul — a Gurizze come a Udin —  
parcè c' al sedi mantignût e onorât il  
nestri lengâz : parcè che si tórnin a  
ciantá lis nestris vilotis di une volte ;  
parcè che si rinfuarzi fra di nó il  
sintimènt de nestre ciase e de nestre  
pàtrie ; chel sintimènt c' al à la so  
liòrîs in Aquilèe, — c' al à tignût dûr,  
come un zoc di rôl, cuintri dutis lis  
lavinis che si son sòrumadis parsore  
di nó in mil e cinc cent agn, e c' al  
si prepare a sflorí ancimò come par  
une gnove primevere.*

***Scriveïssi duc' socios de  
Societât Filològiche Furlane !***

Chiedete sempre i prodotti della

**Industria Dolciaria "ISONZO,,**

**G O R I Z I A**

Via Randaccio N. 4 - Tel. 879

*Biscottificio*

***Su tutte le tavole deve essere  
la MOSTARDA di SENAPE***

***"ETTI,,***

***dell' Industria Alimentari Goriziana***

**G O R I Z I A**

Via Morelli, N. 41 - Tel. 346

**di RAIMONDO CAPPELLA**



# Cooperativa Friulana di Consumo

Società Cooperativa a responsabilità limitata  
con sede in Udine

DIREZIONE E MAGAZZINO :

UDINE: Viale Duodo 3 a - tel. 2309 (locali propri)

PANIFICIO MECCANICO ED AUTOMATICO :

Viale Duodo - tel. 2309 (locali propri)

LABORATORIO MECCANICO DI SUINERIA E  
CELLE FRIGORIFERE PER LA CONSERVA-  
ZIONE DEGLI INSACCATI: Viale Duodo, 3 a.



**Negozi vendita generi alimentari in Udine:**

*Via Bonaldo Stringher, tel. 6066 - Via Rialto, tel.  
2695 - Piazzale Osoppo, tel. 3764 - Piazzale Chiavris -  
Via T. Deciani - Via Pracchiuso, tel. 6145 - Via  
Voturno - Via 3 Novembre (San Osvaldo), tel. 3762 -  
Riva Bartolini - Paderno - Via Zanon.*



*In CIVIDALE: Piazzale Paolo Diacono, tel. 77.  
A TRICESIMO - A MANZANO, tel. 8.*



MACELLERIA in Udine: *Via Bonaldo Stringher.*



RIVENDITE PANE DISTRIBUITE  
NELLE VARIE ZONE DELLA CITTÀ

del ser

*Biscotti - Caramelle*

# CASA DI CURA

PER OSTETRICIA E GINECOLOGIA

**SPECIALISTA**

**Dott. ADRIANO QUARANTOTTO**

*Consultazioni dalle ore 10 - 12*

**U D I N E**

Via Marangoni, 8 (Porta Poscolle)

TELEFONO N. 25-18

**CALZOLERIA E. LOCATELLI - UDINE**

PIAZZA MARCONI, 3 - Tel. 6584

Dove troverete il più ricco assortimento  
di Calzature ai migliori prezzi.

**Cassa di Risparmio di Gorizia**

Fondata nell'anno 1831

PROPRIA SEZIONE DI CREDITO FONDIARIO

*TUTTE LE OPERAZIONI*  
*DI CASSA DI RISPARMIO E DI BANCA*

**Libreria Editrice "Aquileia,,**

Via Vittorio Veneto, 17

**UDINE**

*Tutto l'occorrente*  
*per la scuola e l'ufficio.*

**SPECIALITÀ CORNICI E STAMPE ARTISTICHE**

**OFFICINE PIETRO CLOCCHIATTI**

**UDINE**

Via Treppo, n. 22 - Tel. 61-81



CALZATURE  
**GIOVANNI USSAI**  
GORIZIA

Corso G. Verdi, N. 47

Ditta **A. MILANO & C.<sup>o</sup>** - Soc. a R. L.  
**GORIZIA**

Corso G. Verdi N. 36 - Telefono N. 64

**VINI ALL'INGROSSO**  
Specialità: Vini bianchi del Collio

Il parsût di San Däel,  
Si pol dî, senza falâ:  
Al è bon tant che la mêl;  
Lu san duc' di cà e di là.

**Isal** - Gorizia

## **Dott. F. CEPPARO**

Specialista malattie polmonari e radiologia - Medicina interna

**STUDIO MEDICO-RADIOLOGICO e di CURE FISICHE**

**Ultravioletti - Diatermia - Aerosol**

*Tutti i giorni dalle ore 10 in poi.*

**Via Aquileia, 9 - UDINE - Telefono 27-77**

**Aut. Pref. n. 30060, 2-7-46**

## **DOTT. CARLO CONTI**

**MEDICINA INTERNA - RADIOLOGIA POLMONARE**

**ULTRAVIOLETTI - AEROSOL**

**UDINE**

**Via Marinoni, 6 - Telefono 32-62**

**Visite: 11 - 12 e 15 - 16**

## **Dott. BRUNO BRUNI**

**MEDICINA INTERNA**

**UDINE - Via Manin, 18 - Telefono 64 62**

*Riceve dalle 15 e per appuntamento*

**UDINE - Via Cividale, 156**

*Riceve dalle 9.30 alle 11.30.*

## **DOTT. TULLIO VEZZIL**

**MEDICO - CHIRURGO - UROLOGO**

*Specialista malattie reni - vescica - prostata - Chirurgia minore*

**Gabinetto di aerosolterapia per**

**ASMA BRONCHIALE - ASCESSI POLMONARI**

**BRONCHIECTASIE - BRONCHITI - RINITI ecc.**

**UDINE - P. Matteotti, N. 13 - Tel. 31-43**

*Riceve: ore 11 - 13 e 15 - 19*

## **CARTOLERIA BENEDETTI**

Telefono 25-34 - **UDINE** - Telefono 25-34

Rappresentante Istituto Poligrafico dello Stato - Istituto Geografico Militare

## **Moderna Torrefazione del Caffè** **F. MONTERISI**

**UDINE**

Via Castellana, 24 - Telefono 63-13

**SPECIALITÀ MISCELE per BAR, CAFFÈ, NEGOZI**

**HARAB - SHICK - SUMBEAN - PHILIS**  
**KOBLER - REMINGTON**  
**RASOI - ELETTRICI - RIPARAZIONI**

## **DANTE MASUTTI**

**UDINE - V. V. Veneto, 38 (Via della Posta) - UDINE**

**PROFUMERIE - COLTELLERIE - ARROTINO**

## **CARTOLERIA *G. B. CREMESE*** **di Galliussi e Greatti**

Via Cavour, 12 - **UDINE** - Tel. N. 27-56

**CARTA - CANCELLERIA - PENNE STILOGRAFICHE**  
**NAZIONALI ED ESTERE - RIPARAZIONI - CARTE**  
**GEOGRAFICHE - LEGATORIA**

*Si mangia bene al RISTORANTE*

**"AL MONTE,"**  
**UDINE**



*Lis miòr modis e confezioms  
val 1950  
là de Sartorie*

**Tessaro & Vidon**

**Ditta PAOLO MORASSUTTI - Udine**

**Ferro - Ferramenta - Metalli - Articoli casalinghi**

**Vasto assortimento cucine,  
stufe, terraglie, porcellane  
e articoli da regalo**

**Deposito Ingrosso:**  
*Via Quintino Sella, 2 - Tel. 2479 e 3793*  
**Negoziò:**  
*Riva Bartolini, 8 - Telefoni 3177 e 2997*

**S.A. Officine F.lli BERTOLI fu Rodolfo**

**con Sede in UDINE**

**Capitale Sociale interamente versato L. 5.000.000**

*Acciaieria - Laminati - Fucinati  
e Stampati - Fonderia di Ghisa  
e Leghe - Officina Meccanica*

**Amministrazione:** Tel. 32-10 - Via Aquileia, 3 - UDINE

**Stabilimento:** Tel. 3958 - Via Tricesimo, 145 - UDINE

# Gli insetticidi agricoli



Per disinfestare piante,  
bestiame, sementi e case  
dagli insetti nocivi.

BAGNABILE 50 % per trattamenti liquidi  
MARCA AZZURRA per trattamenti polverali  
MARCA BIANCA per disinfestazione sementi



Per disinfestare le  
colture ortofruttive  
cole soprattutto se  
attaccate da afidi

A BASE DI ESACLOROCICLOESANO  
n° 1 per trattamenti liquidi  
n° 2 per trattamenti polverali

Per la lotta anche nel  
periodo di maturazione  
delle frutta, contro gli  
insetti allo stato larvale  
e contro gli afidi.



D.D.T. COLLOIDALE - AL 50 %



D.D.T. EMULSIONABILE - AL 25 %

Particolarmente  
indicato contro la  
formica argentina

## BOMBRINI PARODI-DELFINO

# Magazzino Popolare

**U D I N E**

ex Piazza S. Giacomo

## ***Friulani !***

Per i Vostri acquisti preferite il  
Magazzino Popolare che dispone sempre  
di un insuperabile assortimento di **Stoffe**  
per Uomo e Signora.

**Tutte le telerie in tutte le altezze.**

**Tutto l'occorrente per l'arredamento.**

**Tutto a prezzi di imbattibile concorrenza.**

**CORREDI COMPLETI per SPOSA  
a prezzi speciali di favore.**

*Vestitevi ai*

# Magazzini BASEVI

**U D I N E**

**MERCATOVECCHIO**

*I più moderni ed assortiti del Veneto.*

*Confezioni - Pelliccerie.*





**Diana & Romanelli**

U D I N E

Via Teobaldo Ciconi, 12 - Tel. 2109

Via Piave, N. 5 - Telefono N. 6275

C. C. I. 23382

# FABBRICA BICICLETTE

*Industria e Commercio:*

AUTOMOBILI

MOTOCICLI

VELOCIPEDI

E LORO PARTI



SERVIZIO MARELLI - BOSCH

**Officina elettromeccanica**

*per installazione e riparazione di apparecchi  
elettrici per autoveicoli e per pompe di iniezione*

## LE GRANDI FIERE DI GORIZIA

### LA FIERA DI SANT'ILARIO

Il 16 di marzo

### LA FIERA DI S. BARTOLOMEO

Interessante per la quantità e varietà di uccelli, ha luogo il 24 ag.

### LA FIERA DI S. MICHELE

Il lunedì successivo al 29 settembre

### LA FIERA DI SANT'ANDREA

che ha inizio il lunedì successivo al 30 nov. e dura 8 giorni. Questa Fiera, molto antica e rinomata, richiama a Gorizia folle grandissime di commercianti e agricoltori da tutto il Friuli.

Nei giorni di Fiera si tiene mercato di animali.

**È GIORNO DI MERCATO IL GIOVEDÌ DI OGNI SETTIMANA**  
Se in detti giorni cade una festa, il mercato viene differito al giorno seg.

## COMUNE DI CORMONS

### Fiere e Mercati dell'anno 1950.

**Mercati giornalieri.** - Per esportazione frutta e verdure: dal 15 maggio al 15 ottobre (P. XXIV Maggio).

**Mercati settimanali.** - Ogni venerdì e mercoledì, oltre che mercato di frutta e verdura, granaglie e pollame.

**Mercati mensili.** - Ogni primo venerdì del mese, grande mercato di bestiame (Foro Boario).

**Grandi mercati annuali.** - Ottava di Pasqua: grande mostra assaggio vini. - 25 giugno: Mercato di S. Giovanni. - Venerdì dopo la prima domenica di settembre: (Fiera del "Perdono e della Cintura", - Frutta e verdure: Piazza XXIV Maggio. - Bestiame: Foro Boario).

*Nuova grande pesa anche per autotreni.*



# **“LA VITRUM”**

**di M. MARTINI**

*è risorta all'antico splendore*

Le ultime creazioni e il buon gusto  
sono le caratteristiche di questo ormai  
**FAMOSO GRANDE MAGAZZINO**

**Sartoria**

**A. ROTTARO**

**« LA MIGLIORE »**

*Assortimento stoffe  
ed articoli abbigliamento*



**U D I N E**

Via V. Veneto, 4 - Tel. 10-59

# COMUNE DI UDINE

## ***Fiere e Mercati***

per l'anno 1950

Primo e terzo Giovedì di ogni mese:

Mercato ordinario di buoi ed equini - *Braida Bassi.*

Prima quindicina di Settembre:

Mercato concorso di tori e torelli - *Braida Bassi.*

Fiera di S. Antonio - 17 Gennaio - *Braida Bassi.*

Fiera di S. Valentino - 14 Febbraio - *Braida Bassi.*

Fiera di S. Giorgio - 24 Aprile - *Braida Bassi.*

Fiera di S. Lorenzo - 10 Agosto - *Braida Bassi.*

Fiera di S. Caterina - 25-26 Novembre - *Braida Bassi  
e Piazza 1° Maggio.*

Ogni Giovedì:

Mercato di ovini e suini - *Braida Bassi.*

Ogni Martedì, Giovedì e Sabato:

Mercato di legna - *Braida Bassi.*

Ogni Martedì, Giovedì e Sabato:

Mercato di foraggi - *Braida Bassi.*

Mesi di Maggio e Giugno:

Mercato foglia di gelso - *Braida Bassi.*

Mesi di Settembre e Ottobre:

Mercato d' uva - *Braida Bassi.*

Ogni Martedì, Giovedì e Sabato:

Mercato di cereali - *Piazza. XX Settembre.*

Ogni Martedì, Giovedì e Sabato:

Mercato di pollame - *Via Zanon.*

Ogni Martedì, Giovedì e Sabato:

Mercato di generi diversi - *Via Zanon.*

Tutti i giorni:

Mercato all'ingrosso di frutta e verdura - *Via Volturmo.*

Tutti i giorni:

Mercato al minuto di frutta e verdura - *P. G. Matteotti.*

Mesi di Ottobre, Novembre e Dicembre:

Mercato all'ingrosso di castagne - *Via Volturmo.*

# BANCA DEL FRIULI

78° Esercizio

SOCIETÀ PER AZIONI

Fondata nel 1873

DIREZIONE GENERALE E SEDE CENTRALE:  
**UDINE**

AGENZIE DI CITTA': { N. 1 - Via Ermete di Colloredo, 5 (P.le Osoppo)  
N. 2 - Via Poscolle, N. 8 (Piazza del Pollame)

Capitale sociale emesso e versato . . . L. 12.000.000.—  
Riserve . . . . . L. 113.000.000.—

## FILIALI:

Artegna - Aviano - Azzano X - Buia - Casarsa della  
Delizia - Cervignano del Friuli - Cividale del Friuli -  
Codroipo - Conegliano - Cordenons - Cordovado - Cor-  
mòns - Fagagna - Gemona del Friuli - Gorizia - Gradisca  
d' Isonzo - Grado - Latisana - Maniago - Mereto di Tom-  
ba - Moggio Udinese - Monfalcone - Montereale Cellina -  
Mortegliano - Ovaro - Palmanova - Paluzza - Pavia di  
Udine - Pontebba - Pordenone - Portogruaro - Sacile -  
S. Daniele del Friuli - S. Donà di Piave - S. Giorgio  
di Livenza - S. Giorgio di Nogaro - S. Vito al Taglia-  
mento - Spilimbergo - Tarcento - Tarvisio - Tolmezzo -  
Torviscosa - Tricesimo - Trieste - Valvasone

## RECAPITI:

Caneva di Sacile - Clauzetto - Faedis - Lignano Bagni -  
Meduno - Polcenigo - Talmassons - Travesio - Venzone

## ESATTORIE CONSORZIALI:

Aviano - Meduno - Moggio Udinese - Pontebba - Nimis -  
Ovaro - Paluzza - Pordenone - S. Daniele del Friuli - S.  
Giorgio di Nogaro - S. Vito al Tagliamento - Torviscosa

**Depositi fiduciari oltre 6 miliardi**



TRICESIMO (Udine)

# VILLA DEGLI ULIVI

CASA DI CURA « MENGHETTI »

Direttore : Prof. Dott. T. MIOTTI

**Tutte le specialità medico-chirurgiche**

*CONVALESCENZE - RIPOSO*

**La Casa di Cura riceve anche gli assistiti da :**

Istituto Naz. Assistenza Malattia ai Lavoratori.  
Ente Naz. Previdenza e Assistenza Dipendenti Statali,  
Istituto Nazionale Previdenza Sociale.  
Ente Naz. Prev. Dipendenti Diritto Pubblico.  
Istituto Nazionale Assistenza Dipendenti Enti Locali  
ed altri Enti di Assistenza.

**Medici - Chirurghi residenti e Consulenti Universitari ed Ospedalieri**

*distillati di frutta • liquori di frutta • distillati di frutta • liquori di frutta • distillati di frutta • liquori di frutta • distillati di frutta • liquori di frutta • distillati di frutta • liquori di frutta*

**Tarcento.**

la perla del Friuli pittoresco, adagiata tra i colli, ride festante di vigne e di frutteti. Dalle prelibate e saporose sue frutta la

**DISTILLERIA CANDOLINI**

trae, con arte affinata in cinquant'anni di studio e di lavoro, distillati e liquori limpidi, squisiti e profumati.

S. A. DISTILLERIA  
**Candolini**



Tarcento.


la perla del Friuli pittoresco, adagiata tra i colli, ride festante di vigne e di frutteti. Dalle prelibate e saporose sue frutta la

## DISTILLERIA CANDOLINI

trae, con arte affinata in cinquant'anni di studio  
e di lavoro, distillati e liquori limpidi, squisiti  
e profumati.

S. A. DISTILLERIA

S. A. DISTILLERIA  
**Candolini**

APERITIVO 

**ambra**

SLIWOVITZ  
KIRSCH  
COGNAC  
GIN

WHISKY  
ANISETTE  
TRIPLE SEC  
PRUNELLE

**CANCIANI**



**Cançiani**  
CANCIANI & CREMESE DI VITTORI & F. GLI  
*Distilleria Liquori di Lusso*  
CASA FONDATA NEL 1896  
UDINE  
TELEFONO N° 3148



(SCIROPPI DI PURO FRUTTO)



